

詩

毛

氏

學

詩毛氏學三

國風三

邶詩譜云邶鄘衛者商紂畿內方千里之地其封域在禹貢冀州大行之東北踰衡漳東及兗州桑土之野武王伐紂以其京師封紂子武庚爲殷後庶殷頑民被紂化日久未可以建諸侯乃三分其地置三監使管叔蔡叔霍叔尹而教之自紂城而北謂之邶南謂之鄘東謂之衛武王既喪管叔及其羣弟流言公將不利於孺子周公避之居東都二年秋有雷電疾風之異乃後成王悅而迎之反而遂居攝三監導武庚叛成王既殺武庚更於此三國建諸侯以殷餘民封康叔於衛使爲之長後世子孫稍并彼二國混而名之七世至頃侯當周夷王時衛國政衰變風始作故作者各有所傷從其國本而異之爲邶鄘衛之詩焉○姜炳璋曰詩有作於衛人而鄘人傳之者亦有事在鄘地而邶人詠之者况詩多擬作非必自爲劉氏瑾云大師各從得詩之地而繫之其說是也○胡曰說文

邶故商邑自河內朝歌以北今河南衛輝府府東北有故邶城滑縣東南有邶水

柏舟言仁而不遇也衛頃音公之時仁人不遇小人

在側鄭曰不遇者君不受己之志也君近小人則賢者見侵害○孔曰衛世家康叔卒子康伯至貞

伯凡六世頃侯立厚賂周夷王夷王命爲衛侯○昶按變風始於柏舟刺仁人不遇然則君子小人之進

退國家廢興之所由也讀此序者可以觀矣

汎音泛彼柏舟亦汎其流耿耿不寐如有隱憂微我無酒

以敖五羔反以遊

興也汎汎流貌陳曰汎猶汎汎也柏木所以宜爲舟也亦汎

汎其流不以濟渡也鄭曰喻仁人之不見耿耿猶傲

傲也廣雅耿耿警不安也隱痛也韓詩作殷○說文慙痛也非我無酒可

以敖遊忘憂也

陳曰敖遊連文成義以字語助

我心匪鑒不可以茹

反如預

亦有兄弟不可以據薄言往

愬

蘇路反

逢彼之怒

鑒所以察形也

陳曰釋文作監周禮注監鏡屬

茹度也

釋言文○和按鑒能察形

我心以憂故不能察彼之情而遭其怒

據依也彼彼兄弟

○和按此即序所云在側

之小人也姚永樸說周諸國大夫同姓為多

我心匪石不可轉也我心匪席不可卷

反眷勉

也威儀棣

棣

徒帝反

不可選也

石雖堅尚可轉席雖平尚可卷

劉向曰言不失己也○鄭曰言己心志堅

平過於石席

君子望之儼然可畏

孔曰釋經之威

禮容俯仰各有

宜耳

孔曰釋經之儀

棣棣富而閑習也

陳曰新書云棣棣富也閑當作閒閒古嫺

字物有其容

左傳文

不可數也

方苞曰左傳鉞懼選於寡君注選數也懼數其

罪也

○昶按賈誼新書云言接君臣上下父子兄弟

內外大小品事之各有容志也賈釋詩與左傳北宮

文子之釋詩同皆與毛合蓋此承上章而言終不以

逢怒之故自貶其節內則秉性堅正而不可移外則

威儀嚴整而不可犯仁人之不遇以此儒行稱君子

之剛毅曰其過失可微辨而不可面數也傳云不可

數即本戴記

憂心悄悄

反七小

愠于羣小觀閔既多受侮不少靜言思

之寤辟

反避亦有標

愠怒也

怒當作怨文選悄悄憂貌荀子釋詩云小人

孔曰言仁人憂心悄悄然而閔病釋詁文○王安石

怨此羣小人在君側者也

誣以病君子君子既病矣則又從而侮靜安也說文作譚

通靜辟拊心也釋訓文○說文引詩作晤辟玉篇作寤擗標拊心貌陳曰

擊也故傳為形容拊心之貌

日居月諸胡迭而微心之憂矣如匪澣衣靜言思之不

能奮飛

孔曰居諸語助皆不為義○釋文引韓詩迭作載云常也○范家相詩藩云言日月至明胡常有時而微

不照見我如衣之不澣矣祖按憂之在心不能如鳥之憂思

奮翼而飛去說文引詩云奮翬也又曰翬大飛也○鄭曰臣不遇於君猶不忍去厚之至也

○孔曰鳥能擇木故取譬焉箴膏肓云楚鬻拳同姓有不去之恩鄭注論語云箕子比干不忍去皆是同

姓之臣有親屬之恩君雖無道不忍去之也

柏舟五章章六句

孔叢子云孔子讀柏舟見匹夫執志之不可易也○馬端臨曰

劉向列女傳以此詩為衛宣夫人自誓而作然向上封事論宏顯傾陷正人引詩愠于羣小而繼之

曰小入成羣誠足愠也正合毛序之義

綠衣衛莊姜傷己也妾上僭夫人失位而作是詩也

鄭曰莊姜莊公夫人齊女姓姜氏妾謂公子州吁之母母嬖而州吁驕

綠兮衣兮綠衣黃裏心之憂矣曷維其已

興也綠閒色黃正色

孔曰正色之黃反為裏而隱以興妾蒙寵而顯正適夫人反見

疏而憂雖欲止何時能止也

謝枋得曰適妾易位尊卑不明莊姜豈但憂一

身哉為君憂為君之子憂為國家後日憂其憂何時能止也

綠兮衣兮綠衣黃裳心之憂矣曷維其亡

上曰衣下曰裳

孔曰前以表裏興幽顯則此以上下喻尊卑○鄭曰亡之言忘也

綠兮絲兮女所治兮我思古人俾無訖音兮

綠末也絲本也

鄭曰先染絲後制衣○昶按釋文引崔靈恩云女毛如字古者女子各衣

其夫故曰女所治前二章責綠衣之上僭此章又言此綠衣其本質固絲也至染以閒色而制爲衣則女之所治爲者使能如古人表裏上下不倒置則無過矣俾使釋詁訖過也陳曰義同魯語公父文伯之母欲室文伯饗其宗老而爲賦綠衣之三章師亥曰謀而不犯微而昭矣不犯卽詩無訖之義

絺兮綌兮淒其以風凡古音方我思古人寶獲我心

淒寒風也

鄭曰絺綌所以當暑今以待寒喻其失所也

古之君子實得我

之心也

朱曰思古人之善處者真能得我心之所求也○陳櫟曰不得於夫而不疾其妾惟思古

人以自修其身憂而不傷怨而不怒孔子謂詩可以怨其此類也夫

綠衣四章章四句

燕燕衛莊姜送歸妾也

鄭曰莊姜無子陳女戴嬀生子鄭名完莊姜以爲己子莊公

薨完立而州吁殺之戴嬀於是歸莊姜遠送之于野作詩見己志○錢澄之曰戴嬀大歸於陳未幾石碯令其子石厚從州吁朝陳因使人泣殺州吁於陳蓋嬀歸陳而碯之計始定謀始成州吁不忌陳並不忌嬀可謂至愚而嬀之智可謂深且密矣觀姜稱歎不置其同仇報國之意隱然言外○陳曰莊姜適夫人戴嬀雖子貴猶稱妾視州吁之母身爲賤妾而上僭夫人逆禮甚矣詩之義春秋之義也

燕燕于飛差

楚佳反

池其羽之子于歸遠送于野

古音神與及

瞻望弗及泣涕如雨

燕燕也

孔曰釋鳥雋周燕燕也舍人云雋周名燕燕又名也郭璞云一名玄鳥今之燕古人

重言之漢童謠燕之于飛必差池其羽鄭曰謂舒之

子去者也歸歸宗也陳曰之夫家曰歸遠送過禮鄭

婦人之禮迎送不出門今于於也陳曰釋于野之于

至于野者舒己憤盡己情于於也與于歸不同于歸

往歸于野郊外曰野陳曰猶瞻視也釋詁

燕燕于飛戶結之頡戶郎之之子于歸遠于將之瞻

望弗及佇立以泣

飛而上曰頡飛而下曰頡陳漢章曰說文頡訓直項

頡凡鳥飛而上下無不直其項者故許書不鳥飛上

翔至鳥飛從高下至地皆象形爾雅鳥曰臭注張兩

翅劉聘君說論語三嗅而作當作臭孟蜀石經作臭

臭臭頡聲皆相近則飛而上之頡即色斯之舉飛而

之見於鳥飛時即下飛亦可見以飛將行也胡曰疊韻取義

○陳曰說文翬行貌將古翬字上言遠送此言遠行下又言其所歸之地佇立久立也釋

也佇久也

燕燕于飛下上其音之子于歸遠送于南古乃瞻望弗

及實勞我心

飛而上曰上音飛而下曰下音陳在衛南陳曰衛今淇縣陳今

陳州府衛至陳五百里而遙

仲氏任反入林只其心塞淵終溫且惠淑慎其身先君之

思以勸寡人

仲戴嬌字也孔曰婦人不以名行任大釋詰壬大也
○孔曰言仲

氏有大塞瘞釋文瘞崔集注本作實○馬曰塞者塞

淵深孔曰其心誠實而深遠也惠順釋言文○陳勸勉也○鄭曰

寡人莊姜自謂○楊時曰州吁之暴桓公之死戴嬌

之去皆夫人失位不見答於先君之所致也而戴嬌

猶以先君之思勉其夫人真可謂終溫且惠矣○昶

按史記石碣乃因桓公母家於陳與陳侯共謀殺州

吁觀秉心塞淵及先君之思諸語

似仲氏之歸誠有討賊之密謀矣

燕燕四章章六句胡曰列女傳以衛定姜子死其

尚在不得稱先君惟毛序與左傳合○昶按比也

以兩燕之差池上下比二人不能離者而竟離也

邶風終於二子乘舟宣公時詩鄭終於載馳戴公

時衛終於木瓜文公時文公以後無詩定公爲文

公會孫此詩必非定姜作

日月衛莊姜傷已也遭州吁之難傷已不見答於先

君以致困窮之詩也

日居月諸照臨下土乃如之人兮逝不古處胡能有定

甯不我顧

日乎月乎照臨之也逝速

釋言作速逝與遽噬並通

古故

鄭曰是人謂莊

公○孔曰國君視外治夫人視內政是其常道今莊公不以古時恩意處遇之胡何同廣雅定

止也

釋詁文○孔曰左傳公子州吁乃定之矣若猶未也

階之為禍是公有欲立州吁之意故杜注完雖為莊姜子然太子之位未定是完不為太子也○馬曰甯

猶乃也甯乃一聲之轉鄭訓為曾曾亦乃也孟子趙岐注何曾猶何乃也○昶按既遭州吁之難追溯亂

源以為衛禍之無定止乃由於己之不見咎而反復自咎其不我顧者何也所以異於後世之宮怨者在此

此

日居月諸下土是冒莫究反乃如之人兮逝不相好許究反

胡能有定甯不我報博究反

冒覆也鄭曰覆猶照臨也不及我以相好陳曰韓詩逝及也及與逮同義逝不

為不及盡婦道而不得報陳曰報即答也傳云盡婦道補明經義而以益著其

傷己之情

日居月諸出自東方乃如之人兮德音無良胡能有定俾也可忘

日始月盛皆出東方昶按此言日月當明盛之時尤宜照察也音聲良善

也胡曰德音有凶有吉鵲冠子云德音也者所謂聲也但以德音為聲與毛傳不更詰德音字者合可忘言

何時能定而使我可忘其憂
○昶按德音猶云心聲也

日居月諸東方自出父兮母兮畜我不卒胡能有定報

我不述

鄭曰畜養也卒終也○朱曰歎父母養我之述循也

不終憂患疾痛之極必呼父母人之情也

鄭曰不循禮也○惠棟曰士喪禮注述循也古文述皆作術○昶按循猶順也當乎禮則順矣

日月四章章六句昶按言日月者非以為終風衛莊姜傷己也遭州吁之暴見侮慢而不能正

也

終風且暴顧我則笑謔許約浪笑敖五報中心是悼

興也鄭曰喻州吁之為不善如終風之無休息終日風為終風昶按猶暴

疾也鄭曰既竟曰風矣而又暴疾孔曰釋天云日出而風為暴孫炎曰陰雲不興而大風暴起然則

為風之暴疾故云疾也笑侮之也言戲謔不敬鄭曰傷其如是然而已不得而

正之○馬曰爾雅謔浪笑敖戲謔也四者皆為戲謔浪謂放浪韓詩云起也放浪則意氣高起

終風且霾反士皆反惠然肯來莫往莫來悠悠我思

霾雨土也釋天風而雨土為霾孫炎曰大風揚塵土從上下也言時有順心也

胡曰州吁弑君篡國自知為臣民所不容故亦時託君母以自重然即其時有順心而來亦不得謂其以

子道事己此皆決絕之語人無子道以來事己亦不得以母道

往加之鄭曰我思其如是心悠悠然

終風且噎反於計不日有噎寤言不寐願言則噎竹利反

陰而風曰噎釋天文○鄭曰有又也又噎者喻州吁闇亂甚也○呂曰不旋日而又噎○陳

曰釋名噎踏也馬曰考槃獨寐寤言傳云覺而有言此當同訓噎當從王肅本作寔爾雅

臺路也說文臺礙不行也中庸言前定則不跲跲蓋躓礙難言之貌

噎噎其陰虺虺虛鬼反其靄寤言不寐願言則懷胡危反

如常陰噎噎然說文引作噎噎暴若震靄之聲虺虺然孔曰

州吁之懷傷也陳啓源曰傷己者傷己之不能正州

不言不可欲言又復止徒自傷耳

終風四章章四句和按衛弑君之禍由於並后匹適錄莊姜詩三篇著亂本也

擊鼓怨州吁也衛州吁用兵暴亂使公孫文仲將而

平陳與宋國人怨其勇而無禮也鄭曰將者將兵以伐鄭也平成也將

伐鄭先告陳與宋以成其伐事伐鄭在魯隱四年

擊鼓其鏜叶當反踊躍用兵古音必良反土國城漕我獨南行

杭音

鏜然擊鼓聲也

說文引作鏜

使衆皆踊躍用兵也

曾鞏曰其興師

非出於不得已人所甚憚者州吁

漕魏邑也

鄭曰此言衆人

皆勞苦也或役土功於國或修理漕城而我獨見使從軍南行伐鄭是尤勞苦之甚○陳曰漕今衛輝府

滑縣

從孫子仲平陳與宋不我以歸憂心有冲

孫子仲謂公孫文仲也

鄭曰子仲字也

平陳於宋

鄭曰謂使告宋曰君

為主敝邑以賦與陳蔡從○陳曰於字釋經與字與者及也爲從同之詞今用兵伐鄭宋爲盟主陳屬於

宋不從同也讀與爲於其義悖矣

憂心冲冲然

鄭曰以猶與也與我南行不與我歸期兵

凶事懼不得歸豫憂之

爰居爰處爰喪其馬音姥于以求之于林之下音戶

有不還者有亡其馬者嚴粲曰爰山木曰林鄭曰軍

山林求其故處近得之○朱曰見其失伍離次無關志也○昶按序云國人怨其勇而無禮也無禮故軍

行無紀律

死生契苦結反闊與子成說執子之手與子偕老古音魯

契闊勤苦也胡曰契契寤數傳契契勤苦也契闊說雙聲字又作挈作絜爾雅注絜苦也

數也馬曰說文數計也謂預有成計猶言有成約也偕俱也

于嗟闊兮不我活兮于嗟洵兮不我信音申兮

不與我生活也呂曰言始欲死生勤苦共者今乃不得相依以生○胡曰闊字不別訓蓋

即承上契闊之義凡雙聲洵遠馬曰韓詩作負信極取義者單言之訓亦可通

也孔曰信古伸字即終極之義○昶按此數南行之
無親衆叛親離難以濟矣不
我活不我極故有叛離之思

擊鼓五章章四句

朱曰賦也

凱開在反風美孝子也衛之淫風流行雖有七子之母

猶不能安其室

鄭曰欲去嫁也

故美七子能盡其孝道以慰

其母心而成其志爾

孔曰此母有欲嫁之志孝子自責母遂不嫁故美孝子能慰母

心○閻若璩曰成志成其母守節之志○陳啓源曰

詩人美刺多代爲其人之辭後世騷賦及樂府猶然

此詩若七子自作是暴揚其親之過安得爲孝○昶

按序言衛之淫風流行見當時政教失俗敗壞其所

由來者遠矣而凱風之母獨能

止乎禮義故孟子以爲過小

凱風自南乃林反

居力反

吹彼棘心天天母氏劬

其俱反

勞

興也鄭曰以凱風喻寬仁南風謂之凱風釋天樂夏

之長養孔曰南風長養萬物棘心難長養者馬曰釋

也棗棘初生先見尖刺尖刺即天天盛貌劬勞病苦

也釋詁

凱風自南吹彼棘薪母氏聖善我無令人

棘薪其成就者胡曰凡木心堅者最難長自萌芽以

之聖叡也逸周書云叡聖也

爰有寒泉在浚音峻之下音戶有子七人母氏勞苦

浚衛邑也胡曰水經注濮水枝津東逕浚城南西北

去濮陽三十五里城側有寒泉岡即詩所

謂爰有寒泉也濮陽今直隸開州是在浚之下言有益於浚也鄭曰爰曰

泉浸潤之使浚民逸樂以興七子不能如也

覲胡顯反 晬華板反 黃鳥載好其音有子七人莫慰母心

覲晬好貌韓詩作簡簡○鄭曰覲晬以興顏色說也

也如慰安也胡曰大戴禮子曰有子七人莫慰母心子之辭也此謂爲人子者義當歸過於己

凱風四章章四句和按雖極亂之世天理民彝終不容泯滅故錄詩者亟存凱風

雄雉刺衛宣公也淫亂不恤國事軍旅數起大夫久

役男女怨曠國人患之而作是詩鄭曰淫亂者荒放於妻妾烝於夷姜

之等○姜炳璋曰隱四年宣公卽位明年衛入鄭又與宋入鄭伐戴瓦屋之盟及鄭平矣又與陳蔡從王

伐鄭既爲鄭敗又與齊鄭伐魯魯桓求好待於桃邱弗遇卒來戰於郎前後以兵爲戲故詩人託爲大夫

久役室家思念之辭因以刺宣公也

雄雉于飛泄泄移世反其羽我之懷矣自詒伊阻

興也雄雉見雌雉飛而鼓其翼泄泄然陳曰左傳杜注洩洩舒散

也洩即泄字○昶按禽鳥聚處雌飛則雄亦繼飛此反興君子之懷安不去詒遺釋言文○鄭曰伊

維鄭曰伊當作繫繫猶是也阻難也釋言文○鄭曰君之行如是也

安其朝而不去○胡曰趙宣子以亡不越境反不討賊太史書

其弑君而引此詩以自咎其意自當以懷為安杜注

言人多所懷念則自遺憂與箋義合○昶按我者婦人我君子也仕於亂朝致此艱苦第

三章承此刺大夫久役男女怨曠也雄雉于飛下上其音展矣君子實勞我心

展誠也釋詁文○昶按鳥之飛鳴上下呼其侶也以

與人之有心亦欲相告語第四章承此言誠

哉其爲在位之君子則我欲告之以德行刺不恤國事軍旅數起也

瞻彼日月悠悠我思道之云遠曷云能來音釐

瞻視也

鄭曰視日月之行迭往迭來今君子獨久行役而不來使我心悠悠然思之女怨之辭曷

何也何時能來望之也

百爾君子不知德行

音杭不忮反之

不求何用不臧

忮害

李閔祖曰忮是疾人無臧善也

釋詁文○朱曰戰國之時諸侯無義

戰報復私怨所謂忮也貪人土地所謂求也二者之行婦人女子知其不可足以見先王之澤猶在也○范處義曰謂爾諸大夫不知何者爲德行苟無忮害貪求之心則何所用而非善不敢斥其君詩人之忠厚也

雄雉四章章四句

匏薄交反

有苦葉刺衛宣公也公與夫人並為淫亂鄭曰

夫人夷姜○孔曰知非宣姜者以宣姜本適伋子但為公所要故有魚網羅鴻之刺此責夫人云雉鳴求

其牡明是夷姜求宣公故曰並為淫亂

匏有苦葉濟有深涉深則厲淺則揭

苦例反

興也匏謂之瓠

陳曰一物異名

匏葉苦不可食也

孔曰匏少時可為羹

故曰幡幡匏葉采之亨之八月中堅強不可食故曰苦葉○朱曰匏之苦者不可食特可佩以渡水而已

然今尚有葉則亦未可用之時○和按國語晉叔嚮曰夫苦匏不材於人共濟而已魯叔孫賦匏有苦葉

必將涉矣朱子說匏以渡水本此不材即傳所謂不可食也

濟渡也

釋言文○胡曰濟津渡也

渡水謂之濟因而所從渡處亦謂之濟水經注云名其津為君子濟

由膝以上為涉釋水

文○鄭曰匏葉苦而渡處深謂八月之時○和按涉水其大名也析言之則淺曰揭深曰涉再深曰厲

以衣涉水爲厲

釋水

謂由帶以上也

和按爾雅既曰以衣涉水爲厲

又曰由帶以上爲厲一主涉之事言一主水之深淺言傳合言之

揭褰衣也

釋水揭揭衣也

又曰由膝以下爲揭

遭時制宜如遇水深則厲淺則揭矣男女

之際安可以無禮義將無以自濟也

和按宣公烝於夷姜由於不度

名分上下而妄行

有瀾

彌爾反

濟盈有鸛

顧炎武曰以水反充文鸛从鳥唯聲

雉鳴濟盈不濡

軌

古音九

雉鳴求其牡

莫九反

瀾深水也

說文水滿也

盈滿也深水人之所難也

和按此探下不

濡軌爲說水滿人不可涉車亦不可行須待舟矣故曰人之所難

鸛雉聲也衛夫

人有淫佚之志授人以色假人以辭不顧禮義之難

義之所不可和按猶言禮至使宣公有淫昏之行胡曰與序相應

濡漬也由轉以上為軌釋文軌謂車轄頭也○羅中

即車頭之端貫轂者○王念孫曰傳轉本作軸古轉

軸同聲故誤軌上當有濡子○和按車行水則濡軌

人知其難而不違禮義不由其道猶雉鳴而求其牡

矣飛曰雌雄走曰牝牡孔曰此定例耳若散則通鄭

以飛雌求走牡為喻○和按人於萬不可行之事知

之未有敢行者涉水其明驗也若禽獸所知有限但

求牝牡之欲且有非類而相交者徒以不知

禮義耳此言宣公有禽獸之行無人道也

雝雝鳴鴈旭許玉日始旦士如歸妻迨冰未泮

雝雝鴈聲和也釋訓鴈納采用鴈禮文旭日始出謂

大昕之時鄭曰鴈者隨陽而處似婦人從夫故昏禮

用焉自納采至請期用昕親迎用昏○陳

曰日始出詁經旭字說文迨及泮散也鄭曰歸妻使旭日日出貌昕日將出也謂親迎也○陳曰大戴禮孟春冰泮發蟄月令謂之解凍冰未判猶在解凍前也荀子云霜降逆女冰判殺止毛氏親業荀門故其說嫁娶時與荀同○昶按此章承雉鳴求其牡而進言之以謂雉不足道獨不有雖雉之鳴鴈乎士之昏禮且象義焉是宣公之行又禽鳥之不若

招招照遙反舟子人涉五郎反印否房以反人涉印否印須我

友以音

招招號召之貌韓詩聲也舟子舟人主濟渡者鄭曰舟人

當渡者印我也釋詁文人皆涉我友未至我獨待之而不

涉以言室家之道非得所適貞女不行非得禮義昏

姻不成陳漢章曰需利涉大川象曰需須也歸妹六三歸妹以須傳用易義○昶按此章又承濟

盈不濡軌而進言之以謂當水盛時固不敢以車涉
矣卽有舟子相招猶必有所待而後進何則彼知冒
險而行有陷溺之患也若禮義之防則不顧廉恥而
潰之可謂惑矣其後夷姜卒致縊死詩言固如龜鑑
匏有苦葉四章章四句昶按此詩興義深微故毛公傳之獨詳

谷風刺夫婦失道也衛人化其上淫於新昏而棄其

舊室夫婦離絕國俗傷敗焉

朱曰宣姜有寵而夷姜縊是以其民化之而谷

風之詩作所謂一國之事繫一人之本者如此

習習谷風

方凡反

以陰以雨

莫尹反

勉同心不宜有怒

采芣

孚容反

采菲

如鬼反

無以下體德音莫違及爾同死

興也習習和舒貌東風謂之谷風

釋天

陰陽和而谷

風至夫婦和則家室成家室成而繼嗣生言龜勉者

思與君子同心也

鄭曰所以黽勉者以為見譴怒非夫婦之宜○陳曰黽勉雙聲連縣

字韓詩作密勿爾雅黽勉也蠶古蜜字蠶沒即密勿

封須也

胡曰爾雅須封從說文封須從

一物三名古今方俗語異耳彙呼之菲芴也

釋草文○鄭曰

此二菜者蔓菁與菘之類也皆上下可食然而其根有美時有惡時采之者不可以根惡時並棄其葉喻

夫婦以禮義合不可以顏色衰棄其相與之禮○胡曰蕪菁根莖惟秋冬可食故云有美時有惡時矣

下體根莖也

陳曰左傳引此詩而釋之曰君取節焉可也春秋繁露云取其一美不盡其失

亦引此詩坊記注言人之交當取一善義並同也○昶按德音謂初昏時約誓心腹之言即所云與子同

死是也今則生相違矣

行道遲遲中心有違不遠伊邇薄送我畿

音誰謂荼徒

苦其甘如薺

齊禮反

宴爾新昏如兄如弟

遲遲舒行貌

說文引詩云徐行

違離也

陳曰離憂也心中有離憂之思故遲遲然

寄畿門內也

何楷曰言汝與我訣別即不可望其遠獨不可近相送一至於畿乎奈何其不

一顧也

○陳曰畿讀為機呂覽注蹶機門內之位也詩曰薄送我畿此不過蹶機之謂說苑云正櫟機之

禮壹妃匹之際單言機桑言蹶機作蹶者字之誤廣雅槩機闌朱也朱與闌同

茶○鄭曰茶誠苦矣君子於己之苦毒又甚於茶比方之則甘如薺○陳曰繁露云薺以冬美

宴安

也

涇以渭濁湜湜

音殖

其汙宴爾新昏不我屑

素節反

以毋逝

我梁母發我笱我躬不閱遑恤我後

涇渭相入而清濁異

孔曰禹貢涇屬渭汭注云涇小渭大屬於渭而入於河漢志云

涇水一碩其泥數斗潘岳賦清渭濁涇是也○朱右曾曰涇水出甘肅平涼府汧頭山至陝西高陵縣入

渭渭水出蘭州府鳥鼠山至華陰縣入河○陳曰釋文引說文湜水清見底也止誤作汚說文玉篇白帖集韻類篇引詩皆作止以猶與也涇與渭相入涇自濁耳渭則湜湜然清也與君子雖有新昏之惡而已仍持正自守不納汙垢涇屑絜也昶按屑絜疊韻絜濁喻新昏清渭喻舊室

不絜不相比列逝之也釋詁往也梁魚梁孔曰梁者為堰以鄆水空中央

承之筍所以捕魚也說文筍曲竹閱容也鄭曰遑暇

陳曰鄭注禮記閱猶容也單言閱彙言容閱孟子作容悅左傳引詩作說杜注言今我不能自容說○昶

按禮記國風曰我躬不閱遑恤我後終身之任也蓋詩言不暇憂正所以深憂之也故曰終身之任

就其深矣方之舟之就其淺矣泳之游之何有何無詎

勉求之凡民有喪匍音蒲匐反救之

舟船也鄭曰方汙也潛行為泳言深淺者喻君子之家事無難易吾皆為之○徐幹中論云方之

舟之泳之游有謂富亡謂貧也鄭曰君子何所有乎何所亡乎吾其勉勉

勤力為求之有求多亡求有○朱曰婦人自陳其治家勤勞之事言我隨事盡其心力而為之又周睦其

鄰里鄉黨莫不盡其道也

不我能惱戚學標曰反以我為讎既阻我德賈音用不

售昔育恐育鞫居六反及爾顛覆既生既育比予于毒

惱興也正義作養依釋文及孫毓引傳作興玉篇惱興也○胡曰鄭注禮記興之言喜也爾雅歆

喜興阻難鄭曰既難却我隱蔽我之善我修婦道而

也猶拒育長釋詁鞫窮也釋言文○昶按長謂長養言

中為生難故幾至顛覆今既生既育則毒視我

我有旨蓄敕六反亦以御冬宴爾新昏以我御窮有洸音光

有潰

反戶對

既詒我肄

反羊至

不念昔者伊余來暨

旨美御禦也

鄭曰蓄聚美菜者以禦冬月乏無時也

洸洸武也

韓詩不善之貌

潰潰怒也肄勞

鄭曰君子洸洸然潰潰然無溫潤之色而盡遺我以勞苦之事○馬曰爾

雅勤勞也郭注引詩作勤肄勤通

暨息也

王引之曰來詞之是也○陳曰暨猶愒也

此休息序所謂棄其舊室也

谷風六章章六句

式微黎侯寓于衛其臣勸以歸也

陳啓源曰狄破黎必是棄而不守黎

侯若能自振尚可復興此勸歸之意也後百餘年晉人數赤狄潞氏罪言其奪黎氏地遂滅狄而立黎侯是黎未嘗亡也豈黎侯流寓日久雖無衛援仍自歸其國與則式微一詩有以激之矣○陳曰說文暨殷諸侯國在上黨東北今山西潞安府治此黎侯本國也漢志東郡黎孟康以爲詩黎侯國今大名府開州

地魏郡黎陽晉灼以爲黎山得名今衛輝府濬縣地濬西卽開州東此黎侯所寓之地也

式微式微胡不歸微君之故胡爲乎中露

式用

釋言文○鄭曰式發聲○微無也馬曰國語王馬曰日用亦語詞箋申傳也室多故韋注

故猶中露衛邑也

馬曰路史帝庚有子堯封之於中路路露通列女傳引詩正作路

式微式微胡不歸微君之躬胡爲乎泥中

泥中衛邑也

馬曰古躬窮通用論語鞠躬聘禮鄭注作鞠窮公羊傳潞子之爲善也躬言潞

子之爲善其道窮也皆其證泥與坭彌並通廣雅坭地名詩出宿于彌韓詩作坭儀禮鄭注引作泥泥與

彌蓋同地也

式微二章章四句

朱曰賦也○昶按姚永樸說列女傳謂黎莊夫人不見納於夫

與其傳母作此詩今以魯襄公聞季武子取卞欲母入榮成伯爲賦式微證之毛序爲確

旄音毛丘責衛伯也狄人追逐黎侯黎侯寓于衛衛不

能脩方伯連率所類反之職黎之臣子以責于衛也陳曰

寰宇記旄丘在澶州臨河縣東今在開州

旄丘之葛今何誕之節今叔兮伯兮何多日也

興也朱曰黎臣久寓於衛時節變矣見前高後下曰葛長大而節疏闊因託以起興

旄丘爾雅前高旄丘諸侯以國相連屬憂患相及如葛之蔓

延相連及也誕闊也陳曰誕訓大闊大義相近日月以逝而不我

憂鄭曰伯叔字也呼衛之諸臣○胡曰序責衛伯詩不斥君責其臣婉辭

何其處也必有與也何其久古音也必有以也

言與仁義也鄭曰我君何以處於此乎必以衛有仁義之道故也責今不行○昶按相人偶

為仁故毛以必以有功德陳曰周禮九命作伯注上

得征五侯九伯者

狐裘蒙戎匪車不東叔兮伯兮靡所與同

大夫狐蒼裘蒙戎以言亂也

孔曰玉藻君子狐青裘

曰狐裘龍茸杜云龍茸亂貌○昶按不東言不來東

言衣狐裘者雜亂朝列莫適為主也

也鄭曰黎國在衛西今所寓在東○胡曰左無救患

恤同也嚴曰衛人不恤黎患謂利害不切於己耳不

如同盟之同左傳云凡侯伯救患分災討罪禮也侯伯即方伯

瑣尾少好之貌馬曰瑣尾同義爾雅瑣瑣小也說文

尾微也微亦小也古小與好義近孟

喜易注流離鳥也少好長醜
陳曰爾雅鳥少美而長醜為鵲栗郭注鵲栗猶

留離詩所謂留離之子說文鳥少美長醜為鵲離假借作流離也
之子言其少故瑣尾形容其少好之貌

始而愉樂終以微弱
孔曰興衛之諸臣無德自將不能常為樂也
衰盛服

也
陳曰承上狐裘而言衰如卽衰然充耳盛飾也
陳漢書褒然為首舉顏注衰盛服貌

謂盛服之飾也男子唯緇布冠無笄無瑱其餘冕弁皆有笄有笄則有瑱瑱謂之充耳亦謂之塞耳懸瑱

之組謂之紃
大夫褒然有尊盛之服而不能稱也
陳啓源曰衛不

救黎而狄患終及衛宣公時君荒臣惰其勢必趨於亂亡黎臣見微知著故以留離喻之

旄丘四章章四句

簡兮刺不用賢也衛之賢者仕於伶
音官皆可以承

事王者也
鄭曰伶氏世掌樂官而善焉故後世多號樂官為伶官○姜炳璋曰詩人作此以刺

時君之不用賢
非賢者自作

簡兮簡兮方將萬舞日之方中在前上處碩人俟俟疑

反公庭萬舞

簡大也釋詁文○馬曰萬為大方四方也
舞先略言大以形容之
方不順時

注方四將行也和按行也
以千羽為萬舞
孔曰萬者舞之總名千戚

與羽籥皆是○陳曰千舞武舞羽舞文舞萬者又兼
二舞以為名也孔仲達引異義公羊說以萬為羽與

公羊傳以萬為用之山川山川二字據陳說刪
故言於

四方孔曰周禮舞師教羽舞師而舞四方之祭祀教
兵舞師而舞山川之祭祀則山川與四方別此

言山川而云四方者以周禮言天子法四方為四望
謂五嶽四鎮四瀆餘此以外乃四方也諸侯無嶽瀆

之異故以山川對宗教國子弟以日中為期王肅曰
廟在內為四方也
欲其徧

至○孔曰公羊傳諸侯四佾則舞者為四列使此碩
人居前列上頭所以教國子諸子學舞者令法於己
也碩人大德也俛俛容貌大也馬曰說文俛大也方

檀弓注扈謂大也萬舞非但在四方親在宗廟宮庭陳曰上

用之四方下言萬舞用之宮庭傳又申明經義四方

為山川公庭為宗廟也親猶近也○胡曰為舞有三

然四方及教國子非一時事但言其職業有此當日

詩人所見則以在宗廟為正○昶按獨於宗廟言碩

人者此一事乃親見也故下獨承祭宗廟言之

有力如虎執轡悲位反如組音祖左手執籥餘若反右手秉翟

濯音赫如渥赭者音公言錫爵

組織組也陳曰謂如織武力比於虎可以御亂孔曰

也御衆有文也言能治衆動於近成

於遠也

胡曰呂覽云詩執轡如組孔子曰審此言也

聖人組修其身而成文於天下矣淮南引詩亦曰動

於近成

文於遠觀此足知毛傳多本七十子之遺言

簫六孔

說文作簫○爾雅釋文簫以翟翟羽也釋鳥

山雉赫赤貌陳曰赫如

渥厚漬也鄭曰碩人容色

昇輝胞翟闇寺者惠下之道孔曰祭統文彼又云昇

也輝者甲吏之賤者胞者肉吏之賤者翟者樂吏之

賤者闇者守門之賤者此碩人亦樂吏故於祭末乃

是賜見惠不過一散鄭曰君徒賜其一爵而已不知

也曰禮器云禮有以小為貴者貴者獻以爵賤者獻以散散謂之爵爵總名也

山有榛

側中反 隰有苓

力珍反

云誰之思

西方美人彼美人

今西方之人兮

榛木名

說文木也○釋文一作藁

下溼曰隰苓大苦

段曰說文大苦苓也爾雅

作藁沈括曰此乃黃藥

乃宜在王室

鄭曰我誰思乎思周室之賢者○呂曰山則有榛隰

則有苓惟西周然後有此人物故見碩人而慨然有懷於西周之賢士大夫也○昶按後二句歎昔之美

人乃得生於西周之盛世傷今無其遇矣

簡兮三章章六句

朱曰賦也○昶按一章碩人仕於伶官二章仕伶官為賢者三

章思昔之美人言外慨此碩人不能承事王者

泉水衛女思歸也嫁於諸侯父母終思歸甯而不得

故作是詩以自見也

鄭曰見己志也國君夫人父母在則歸甯沒則使大夫甯於兄

弟

悲位

彼泉水亦流於淇有懷於衛靡日不思變反

力轉

彼諸姬聊與之謀古音媒

興也泉水始出恣然流也段曰說文泌俛流也毛淇

水名也陳曰竹竿傳泉源小水之源淇水大水酈道

淇者也地理志河內郡共北山淇水所出至黎陽入河淇衛水衛女思歸不得是泉水之不如變好

貌諸姬同姓之女朱曰謂姪娣聊願也鄭曰我且欲略與

且義相近古人讀願與甯與愁皆一聲之轉小爾雅

愁願也且也說文甯所願也甯之為願亦聊且之意

出宿于涕子禮反飲錢音踐于禰乃禮反女子有行遠父母兄

弟問我諸姑遂及伯姊

涕地名馬曰涕即濟之或體列女傳文選注引詩並

作濟鄭釋楚邱云自河以東夾於濟水是衛

地近濟之證

祖而舍輶飲酒於其側曰餞重始有事於道

也

聘禮記出祖釋輶祭酒脯乃飲酒於其側○陳曰以始往祭道神曰祖委土為山依神而祭曰輶取

土為輶謂之犯輶釋奠於輶謂之舍輶古舍釋通凡諸侯女出嫁必有送女之大夫大夫出使其處者設

飲餞禮及大夫歸所嫁之女又有甯父母兄弟姑姊之禮此衛女思歸而追念及來嫁時耳

補地

名也

朱曰涉彌皆自衛來所經之地○徐璠曰韓詩彌作坭坭蓋衛之泥中邑也爾雅水潦所止泥

上釋文泥亦作坭

父之姊妹稱姑先生曰姊

並釋親文○鄭曰行道也婦人

有出嫁之道問姑及姊親其類也先姑後姊尊姑也○列女傳婦人未嫁則以父母為天既嫁則以夫為

天其喪父母則降服一等無二天之義也詩曰女子有行遠父母兄弟

出宿于干飲餞于言載脂載牽

胡瞻反

還旋車言邁邁市

反臻于衛不瑕

音有害

干言所適國郊也

馬曰隋志邢州內邱縣有干言山今屬順德府唐山縣

脂牽

其車以還我行也

鄭曰言還車者嫁時乘來今思乘以歸○陳曰說文釭車軸中鐵也

牽車軸端鍵也

牽與轄同盛膏於牽中使之滑利又於軸末鍵之是曰牽

遄疾臻至

並釋詁文

瑕遠也

陳曰瑕讀爲遐此追念大夫反國時欲與同歸亦不遠害於禮也設想之辭

我思肥泉茲之永歎思須與漕

徂侯反

我心悠悠駕言出

遊以寫我憂

所出同所歸異爲肥泉

釋水云泉歸異出同流肥○陳曰肥泉同出喻衛女未嫁

異歸喻適異國茲即滋也

須漕衛邑也

陳曰水經濟水注濮渠東徑須城北詩云思須與漕

也須城今在滑縣東南曹漕古今字

寫除也

陳曰寫除與寫輪同

泉水四章章六句

北門刺仕不得志也言衛之忠臣不得其志爾

出自北門憂心殷殷終窶

其矩反

且貧莫知我艱音根已焉

哉天實爲之謂之何哉

興也北門背明嚮陰

孔曰嚮陰行似仕闇君

窶者無禮也貧者

困於財

陳曰爾雅窶貧也是窶亦貧也傳釋爲無禮者言無以爲禮也無禮由於困財故傳又釋

爲貧者困於財語雖分釋義自互明也終猶旣也○陳漢章曰說文窶無禮居也潛夫論班祿篇云賢者

不能行禮以從道正可爲此傳證○鄭曰詩人事君無二志故自決歸之於天

王事適我政事一埤

避支反

益我我入自外室人交徧謫

音滴我已焉哉天實爲之謂之何哉

適之

鄭曰國有王命役使之事必來之我○胡曰春秋初衛人從桓王伐鄭春秋末又爲敬王城成

周 埤厚

釋詁文○朱彬曰一爲詞助

謫責也

鄭曰言室人亦不知己志○范祖禹曰關

雖之化行則婦人能閔其君子至於衰世則室家有不知其心者矣○陳曰謫俗謫字

王事敦

低音

我政事一埤遺我我入自外室人交徧摧我

已焉哉天實爲之謂之何哉

敦厚

陳曰爾雅惇厚也敦惇通厚猶加也遺加摧沮韓詩訓詁箋云猶投擯也義並相近

也

說文引作催云相擣也○潛夫論云處卑下之位懷北門之殷憂內見謫於妻子外蒙譏於士夫○

楊時曰忠信重祿所以勸士衛臣貧窶而莫知其艱則無勸士之道矣然不擇事而安之無懟憾之辭知其無可奈何而歸之於天所以爲忠臣

北門三章章七句

北風刺虐也衛國並爲威虐百姓不親莫不相攜持

而去焉

北風其涼雨

于付反

雪其雱

普康反

惠而好我攜手同行

杭音

其虛其邪

徐音

既亟只且

子餘反

興也北風寒涼之風

鄭曰寒涼之風病害萬物雱盛興君政教酷暴使民散亂

貌

陳曰說文旁溥也與溥義相近

御覽引詩作滂

滂盛貌

惠愛

釋詁文

行道也

鄭曰與我相攜持同道而去

虛徐也

孔曰

釋訓其虛其邪威儀容止也孫炎曰虛徐威儀謙退

也然則虛徐為謙虛閑徐之義故箋云威儀虛徐寬仁者也但傳質詰訓疊經文耳非訓虛為徐○臧玉

林曰經中其字以助句毛作傳以連合之言其虛其徐者謂虛徐也故箋申之曰邪讀如徐

亟急

也

孔曰只且語助○昶按此言在位者其尚有虛徐者乎則皆刻急耳矣序所云並為威虐也

北風其喈

音皆

雨雪其霏

芳非反

惠而好我攜手同歸其虛

其邪既亟只且

啗疾貌

胡曰啗通潛說文潛水流潛潛也鼓霏甚貌鐘傳潛潛猶湯湯漢書注湯湯疾貌

霏甚貌

段曰說文無霏古當作非非猶飛也歸有德也

陳曰猶云逝將去女適彼樂國

莫赤匪狐莫黑匪烏惠而好我攜手同車其虛其邪既

亟只且

狐赤烏黑莫能別也

鄭曰赤則狐也黑則烏也猶今君臣相承為惡如一○孔曰君

臣為惡如一故序云並為威虐莫赤莫黑總詞言其類相似人莫能別其同異攜手就車

序所云相攜持而去也

北風三章章六句

靜女刺時也衛君無道夫人無德

鄭曰以君及夫人無道德故陳靜女

遺我以彤管之法德如是可易之為人君之配○
顧鎮曰左傳靜女之三章取彤管焉杜注雖悅女美
義在彤管是古
說與毛鄭同也

靜女其姝

反昌侯

俟我於城隅

反魚侯

愛而不見搔

反蘇刀首

跣

直反

躡

直侯

靜貞靜也

韓詩貞也

女德貞靜而有法度乃可悅也

陳曰總釋

全章姝美色也

說文好也又引詩作媼作姝義同

俟待也

黃樞曰如侯我于堂

乎而以待

親迎之禮城隅以言高而不可踰

孔曰周禮王城高七雉隅九雉是

於常處也

○昶按考工記宮隅之制七雉城隅之制九雉鄭注宮隅城隅謂角浮思也賈疏浮思為城上

小樓按城門通出入上必為樓臺使其高而不可踰故

謂之臺門亦謂之城臺有樓臺則四隅必高起故又

于門外婿家之門也侯我乎巷今傳曰巷門外是巷門也此云侯我於城隅又城門也是親迎者凡至門皆有侯之禮所以表女德重廉恥也必言城隅者嘉禮不野合衛宣公築臺河上以要齊女故舉古親迎之禮之侯城言志往而行止正字依岳本作止○韓隅者以刺之詩躡躡猶躡躡也○○待女子有行故曰志往躡躡不前故曰行止此申言待之義也易林云季姜躡躡望孟城隅終日至暮不見齊姜此全用毛義不見者不遽見也人愛慕之而不遽見故為貞靜

靜女其嬈貽我彤管徒冬反管彤管有煒于鬼反說懌始亦反女

美

既有靜德

孔曰謂靜女也

又有美色

孔曰其嬈也

又能遺我以古

人之法

孔曰貽我彤管也

可以配人君也

陳曰女史執管是即古人之法管雖

女史所執然必后夫人有貞靜之德乃能授以女史之法古者后夫人必有女史

彤管之法

鄭曰彤管筆赤管也○孔曰周禮女史八人注女奴曉書者

女史不記

過其罪殺之后妃羣妾以禮御於君所女史書其日

月授之以環以進退之生子月辰則以金環退之當

御者則以銀環進之簪於左手既御簪於右手事無

大小記以成法

孔曰此有成文未聞所出○陳曰御覽引劉向五經要義云古者后夫人

必有女史彤管之法后妃羣妾以禮御於君所女史書其日授其環以示進退之法生子月娠則以金環

退之當御者以銀環進之簪於左手既御簪於右手左手陽也以當就男故著左手右手陰也既御而復

故此亦西京舊說與毛同煒赤貌

說文盛明兒

彤管以赤心正人也

孔曰

謂赤心事夫人而正如妾之次序○陳啓源曰董仲舒言彤管赤漆耳史官載事故以彤管赤心記事也武帝時毛詩未行而董論彤管與傳合○昶按此論妃妾進御皆有法度以刺宣公之瀆亂彝倫

自牧歸蕘徒今反洵美且異匪女之為美美人之貽

牧田官也陳曰當作牧牧田也此必田誤作官轉寫併入耳箋自牧田歸蕘鄭所據作牧田正

義不為田官作解孔本亦不誤周禮牧田任遠郊之地蕘茅之始生也陳曰管子云草

木蕘生可食本之於蕘取其有始有終鄭曰洵信也茅潔

歸蕘其信美而異者可以供祭祀○昶按取茅必取其蕘以物之美興人之美茅有本根而後有蕘新生

之蕘潔白即所謂美異也宣公奪子婦其始不正安能有終非為其徒說美色而

已美其人能遺我法則昶按此再申上章之義言所謂說懌女美者非美其色乃

美其人之能貽我彤管耳使宮庭無彤管法則則妬嫉起而爭競生安能說懌乎蓋宣公奪伋妻徒以其

色美而敗俗傷化卒致亂國故詩人刺之如此

靜女三章章四句朱曰賦也

新臺刺衛宣公也納伋之妻作新臺于河上而要之

國人惡之而作是時也鄭曰伋宣公之世子○朱右曾曰水經注河水又東逕鄆

城縣北岸有新臺鄆城在今曹州府濮州東

新臺有泚此音河水瀾瀾莫爾反燕婉之求瀾音籛籛音不鮮

徙古音

泚鮮明貌韓詩作漼云鮮貌○說文引作泚云新色鮮也瀾瀾盛貌韓詩作

盛貌○說文作瀾云滿也○盧文弼曰漢地理志引作泚必泚之誤玉篇泚亦瀾字水所以潔

汙穢反于河上而為淫昏之行燕安陳曰宴本字燕借字婉順

也韓詩作嬌婉云好貌籛籛不能俯者鄭曰籛籛口柔常觀人

俯也鮮善也○孔曰籛籛威施本人疾之名故晉語云籛籛不可使俯威施不可使仰非宣公實有二病

故箋申傳義以為口柔面柔也。遽條口柔戚施面柔。釋訓文。○陳曰宣公一俯一仰有佞媚容悅之狀。以是為病。○和按傳云水以潔汙穢不鮮。所謂汙穢也。刺宣公之俯仰有愧。

新臺有洒銑古音河水浼浼免古音燕婉之求。遽條不殄。徒反。

洒高峻也。殺曰爾雅望厓洒而高岸高謂其頂洒謂其身峭直又夷上洒下不脣夷上其頂平不高出也。洒下謂身斗峭也。洒即陵之借字。浼浼平地也。胡曰謂水極盛則與地平矣。

殄絕也。殄言其病不已也。○朱曰。

魚網之設。鴻則離反。良何之燕婉之求得。此戚施。詩戈反。

言所得非所求也。鄭曰設魚網者宜得魚。鴻反。離焉。猶齊女以禮來求世子而得宣公。

戚施不能仰者。鄭曰戚施面柔以色下人故不能仰。

新臺三章章四句

昶按前二章賦末章比也

二子乘舟思伋壽也衛宣公之二子爭相爲死國人

傷而思之作是詩也

全祖望曰宣公乃莊公庶子莊公卒長子桓公在位十六年方

有州吁之難而宣公立烝夷姜生伋子當在前十六年中魚網鴻離則嗣位初年事也

二子乘舟汎汎

芳劍反

其景

古音繼

願言思子中心養養

二子伋壽也宣公爲伋取於齊女而美公奪之生壽

及朔朔與其母慙伋於公公令之齊使賊先待於隘

而殺之

左傳使盜待諸莘

壽知之以告伋使去之伋曰君命

也不可以逃壽竊其節而先往賊殺之伋曰君命殺

我壽有何罪賊又殺之國人傷其涉危遂往如乘舟

而無薄所汎汎然迅疾而不礙也王引之曰景讀如憬魯頌憬彼淮夷

傳憬遠行貌○陳曰汎汎流貌廣雅薄至願每也段

也說文礙止也迅疾不止與遠行義合

此每如春秋外傳懷私為每懷賈誼賦衆庶每生之

每○昶按爾雅願思也傳訓每者謂思之不已常在

於心所謂養養然憂不知所定馬曰爾雅恙憂也

懷私也二子乘舟泛泛其逝願言思子不瑕有害養為恙之借字

逝往也文釋詁言二子之不遠害陳曰瑕讀為遐有為

是涉危也○昶按乘舟泛泛之

喻傷其一去不反也追悼之辭

二子乘舟二章章四句昶按此也二子非同時往

且非舟行傳云如乘舟而

無所薄蓋以

涉危為比也

邶國十九篇七十一章三百六十三句

終

詩毛氏學四

國風四

鄘

胡曰今河南衛輝府城西有故鄘城有庸水出宜蘇山

柏舟共姜自誓也衛世子共伯蚤死其妻守義父母
欲奪而嫁之誓而弗許故作是詩以絕之鄭曰共伯
子○呂曰史記載釐侯已葬共伯餘立爲君武公襲
攻共伯共伯自殺案武公在位五十五年國語稱武
公年九十五猶箴傲於國計其卽位已四十餘矣使
果弑共伯而篡立則共伯齒又加長於武公安得謂
之蚤死髦者子事父母之飾諸侯旣小斂則脫之釐
侯已葬安得謂之髦彼兩髦乎○姜炳璋曰此正當
宣王之世宣王能討魯伯御豈容武公之殺君篡國
序云世子知未立爲君也索隱云史公採雜說而爲
之記是矣

汎彼柏舟在彼中河髡彼兩髦實維我儀古音之死矢

靡它音他母也天音汀只不諒人只

興也季本曰柏舟堅實而在河中喻志節之堅而夫死無所著也中河河中陳曰此倒

句之髡兩髦之貌玉篇髮垂貌又作仇作統髦者髮至眉說文引作髻或

省作子事父母之飾鄭曰兩髦之人謂共伯也禮世

冠綏纓孔曰既夕禮既殯主人脫髦注男左女右長大猶為飾存

之謂之髦所以順父母幼小之心至此尸柩不見喪

振去塵著之夫曰脫曰拂自儀匹釋註文陳曰實

是假他髮為之故傳云飾也儀匹作寔是也維猶為

也矢誓靡無並釋文之至也至己之死信無它心諒信

也釋註母也天也陳曰只與也同尚不信我天謂父也孔曰序云

父母欲奪而嫁之故知天謂父也○陳曰列女傳云
既嫁則以夫爲天其喪父母則降服一等無二天之
義也左傳注亦云在室則天父出則天夫共姜無子
義歸宗故又天父喪服子嫁反在父之室爲父三年
是也先母後父先
親親而後尊尊

汎彼柏舟在彼河側髧彼兩髦實爲我特之死矢靡慝
母也天只不諒人只

特匹朱曰特有孤特之義而以爲匹者古人用字多
如此猶治之爲亂○陳曰特爲奇又爲耦匹爲
耦又爲奇二者義相因韓詩作慝邪也
直云相當直也毛韓字異義同

柏舟二章章七句

牆有茨衛人刺其上也公子頑通乎君母國人疾之
而不可道也鄭曰宣公卒惠公幼其庶兄頑烝於惠
公之母生子五人齊子戴公文公宋桓

夫人許
穆夫人

牆有茨不可埽蘇九反也中葍古侯反之言不可道徒首反也

所可道也言之醜也

興也牆所以防非常陳曰兼明興義茨蒺藜也釋草文○說文引作薺

欲埽去之反傷牆也馬曰左傳云人之有牆所以蔽惡也詩以牆茨起興蓋取蔽惡

之義以牆茨之不可埽所以固其牆與內醜之不可外揚所以隱其惡也中葍內葍也胡

說文葍交積材也象對交之形淮南云築土葍木葍與構義略同內葍猶言內室於君醜也

牆有茨不可襄也中葍之言不可詳也所可詳也言之

長也

襄除釋言詳審也韓詩作揚云長惡長也

牆有茨不可束也中葍之言不可讀也所可讀也言之辱也

束而去之

陳曰上讀抽也鄭曰抽猶出也○段曰說文籀讀書也籀之義訓抽

毛公及方言皆用抽爲籀抽籀古今字○胡曰鄭訓抽爲出此如服虔左傳注繇抽也抽出吉凶也繇與籀同其義皆爲紬繹而出之辱辱君也

牆有茨三章章六句

君子偕老刺衛夫人也夫人淫亂失事君子之道故

陳人君之德服飾之盛宜與君子偕老也

鄭曰宣公夫人惠公

之母也人君小君也或者小字誤作人耳

君子偕老副笄六珈

音歌委委於危反

佻佻

待何反

如山如河

象服是宜

古音魚何反

子之不淑云如之何

能與君子俱老乃宜居尊位服盛服也

陳曰此即禮記壹與之醺

終身不改之義總釋三章又與序相發明也

副者后夫人之首飾編髮爲

之

陳曰周禮追師掌王后之首服爲副編次爲作也謂作副必以編髮次第爲之也次讀爲髮說文髮

用梳比也用梳比謂之次以他人髮而梳比之謂之編次傳言編髮即本周禮編次爲訓鄭司農注副者

婦人之首服仲師不爲編次作解則與毛意合矣惟鄭注以副編次爲婦人三等之禮服與毛不同

衡筭也

陳曰追師追衡筭鄭司農注追冠名衡維持冠者婦人有副筭有纚筭維持纚者謂之纚

筭維持副者謂之副筭副筭用衡筭以玉爲之筭下懸瑱筭上爲珈飾說文筭簪也

珈筭飾之

最盛者所以別尊卑

孔曰言珈者以玉加於筭爲飾言六珈必飾之有六

者行可委曲蹤迹也佗佗者德平易也

釋訓委委佗佗美也○韓

詩德之美貌○山無不容河無不潤昶按德猶性也美有似於此象

服尊者所以爲飾馬曰象服蓋禕衣也明堂位祭統并云夫人副禕立于房中周官鄭

司農注禕衣畫衣也說文有子若是可謂不善乎吳

祿飾也毛蓋讀象爲祿綸曰詩人本深疾官夫人乃其辭無一詆之語但

盛陳其服飾容貌之美而以爲如山如河如天如帝

玼音此兮玼兮其之翟也髮反真忍髮如雲不脣鬢徒帝反也

王之瑱吐殿反也象之掇勅帝反也揚且子餘反之皙星歷反也

胡然而天汀音也胡然而帝也

玼鮮盛貌陳曰說文玉色鮮也稱瑜翟闕翟羽飾衣也

陳曰說文瑜羽飾內司服鄭司農注瑜翟闕畫羽飾

揄闕皆衣名之為句中語助鬢黑髮也說文引作參○左傳服注髮美為鬢如雲言

美長也屑絜鄭曰鬢髮也○馬曰當為絜束之絜瑱塞耳也

說文瑱以玉充耳也所以擿髮也陳曰淇澳傳會所以會髮

說文鬢骨擿之可會髮者又揚眉上廣陳曰揚廣疊

皙白皙陳曰左傳白尊之如天審諦如帝陳曰胡然

古而如通用鄭注內司服

嗟我兮嗟兮其之展也蒙彼縟側救締是繼息列袞

也音子之清揚揚且之顏音也展如之人兮邦之媛平

也

段曰第二章第三章古本皆作玼傳箋皆不釋玼禮

陳曰說文褰丹縠衣也通作展馬融毛詩注亦云展色赤

孔曰其鮮盛
之展衣以覆

彼縹緇之上精曰緇其精而尤細靡者縹也言細而縹縹是當暑絆延之服也陳曰

說文褻私服引詩作褻裯裯衣無色引詩作繼裯繼
卽褻之借字縐絺是當暑之裏衣其上覆以展衣○

馬曰說文繫傳袞煩澤也近身衣也以其爲煩汗之
服而謂之袞猶去衣之煩汗卽謂之汗受汗澤之衣

卽謂之澤也○陳漢章曰絆延疊韻
卽卷阿泮魚也亦卽訪落之判魚
清視清明也按

清謂目視之清明揚謂眉目之開朗傳不另釋揚者
以二揚字同訓廣揚特所指不同耳上指目下指額

揚廣揚而顏角豐滿

是展誠也美女爲媛釋訓文○歐陽修曰詩人之意責之愈切則其辭緩君子偕老

也是

君子偕老三章一章七句一章九句一章八句曰朱

也賦

桑中刺奔也衛之公室淫亂男女相奔至于世族在

位相竊妻妾期於幽遠政散民流而不可止鄭曰謂宣惠之

世○呂曰聖人正樂放鄭聲豈有刪詩而反取淫辭桑中詩刺惡昭著所謂思無邪也史記載師曠所指

濮上之音鄭康成以為濮水之上地有桑間禮記注桑非即桑中詩也○陳曰桑中即衛之桑間禮記注桑

閒在濮陽南郡國志濮陽縣下劉昭注引博物記桑中在其中

爰采唐矣沫音妹之鄉矣云誰之思美孟姜矣期我乎桑

中要我乎上宮送我乎淇之上矣

爰於也釋詁文唐蒙菜名陳曰傳本爾雅釋唐為蒙又申釋蒙為菜也爾雅蒙王女

郭注蒙即唐也是唐一名王女矣

沫衛邑

陳曰書妹邦馬融說即牧野說文母朝歌南七十里

地衛都朝歌沫爲衛南郊邑名沫妹牧塢並通用

姜姓也言世族在位有是

惡行

孔曰列國姜姓齊許申呂之屬

桑中上宮所期之地

嚴曰我指淫者○馬

曰孟子趙岐注上宮樓也淇水名也

爰采麥矣沫之北

音逼

矣云誰之思美孟弋矣期我乎桑

中要我乎上宮送我乎淇之上矣

弋姓也

朱曰春秋定姒公穀作定弋蓋杞女夏后氏之後亦貴族

爰采葑矣沫之東矣云誰之思美孟庸矣期我乎桑中

要我乎上宮送我乎淇之上矣

庸姓也

錢大昕曰庸與閭通左傳閭職史記作庸職○胡曰左傳取於有閭氏之土以共王職是

閭本衛地古之姓氏亦有因其地而稱之者如舜居
媯汭而其後姓爲媯是也○孔曰世族在位猶尚如
此致使淫風大行民流政散故陳其辭○昶按姚永
樸說衛民化紂之淫風歷有年所雖經康叔武公革
之而不能盡一值宣惠之世遂至政散民流漢志云
衛地有桑閒濮上之阻男女亟聚會聲色生焉殆綜
其前後風俗言之耳

桑中三章章七句

朱曰賦也○呂曰詩之體不同有直刺之者新臺之類是也有

微諷之者君子偕老之類是也○昶按春秋據事直一詞而意自見者此類是也○昶按春秋據事直書褒貶自見桑中刺世族在位者無所避詩之直筆同於史矣

鶉

音純

之奔奔刺衛宣姜也衛人以爲宣姜鶉鶉之不

若也

鶉之奔奔鶉之疆疆

音姜

人之無良我以爲兄

古音虛王反

鶉則奔奔鶉則疆疆然

韓詩云乘匹之貌○鄭曰言其居有常匹飛則相隨之貌

刺宣姜與頑非匹偶

良善也兄謂君之兄

鄭曰君謂惠公○許伯政曰古人以事關

君國者多以我言之微子我用沈酗于酒春秋伐我○昶按我以爲兄我以爲君傷痛而無可奈何之詞

故韓詩外傳孔子引此詩以爲親屬之言也

鶉之疆疆鶉之奔奔人之無良我以爲君

君國小君

孔曰以夫妻一體言之亦得曰君左傳筮穆姜曰君其出乎是也○范氏曰衛詩至

此人道盡天理滅矣中國無以異於夷狄人類無以異於禽獸而國隨以亡矣○胡氏曰楊時有言詩載此篇以見衛爲狄所滅之因也故在定之方中之前因以是說考於歷代凡淫亂者未有不至於殺身敗國而亡其家者然後知古詩垂戒之深而近世有獻議不以國風進講者殊失聖經之旨矣

鶉之奔奔二章章四句

昶按比也序云衛人以宣姜鶉鶉之不若是取鶉鶉

爲比而宣
姜且劣也

定之方中美衛文公也衛爲狄所滅東徙渡河野處
漕邑齊桓公攘戎狄而封之文公徙居楚邱始建城
市而營宮室得其時制百姓說之國家殷富焉鄭曰
閔公
二年冬狄人入衛懿公及狄人戰于熒澤而敗宋桓
公迎衛之遺民渡河立戴公以廬於漕戴公立一年
而卒魯僖公二年齊桓公城楚邱而封衛於是文公
立而建國焉○顧炎武曰楚邱在滑縣開州之間

定之方中作于楚宮揆之以日作于楚室樹之榛栗椅
反於宜桐梓漆爰伐琴瑟

定營室也

釋天營室謂之定○馬曰營室
一名天廟又曰清廟又爲水宿

方中昏正

四方

鄭曰定星昏中而正於是可以營制宮室故謂
之營室定昏中而正謂小雪時○陳曰左傳水

昏正而裁傳言定星昏見正居四方之中義本左傳
昴按周語營室之中土功其始韋注建亥小雪之
中定星昏正于午土功可以始也傳以昏正四方釋
方中蓋紀時也與周語同箋申明之非與傳異下言
北視定南準極乃言楚宮楚邱之宮也孔曰作為楚邱之宮○王
方位正義述毛誤
引之曰兩于仲梁子曰初立楚宮也惠棟曰韓非子
字皆讀曰為仲梁子曰初立楚宮也云有仲梁子之
儒檀弓鄭注云
仲梁子魯人揆度也釋言度日出日入以知東西
南視定北準極以正南北胡曰考工記匠人有夜考
言古之立國者南望南斗北戴極極星是古人本有視
星以正方位者定昏中當正南之位既以此時營作
亦指此星以室猶宮也釋宮室謂之宮○鄭曰宮宗
正南北之方
一謂通而言椅梓屬鄭曰樹此六木於宮者因其長
之對文則異
孔曰椅郭璞
云即楸也

升彼虛矣以望楚矣望楚與堂景山與京古音姜降觀于

桑卜云其吉終然允臧

虛漕虛也陳曰管子云狄人伐衛衛君出致于虛注虛地名又云衛人出旅于曹虛與曹同地

當時或有呼曹為虛者楚丘有堂邑者傅寅曰堂楚旁邑即今博州堂邑以博濮二州

連界也○陳曰楚楚丘春秋有兩楚丘一曹國邑今兗州府成武縣一衛國邑今大名府滑縣東景

山大山釋詁景大也京高丘也釋山絕高為之京非人為之丘○陳曰丘非人力所

作京非人力作有人力作者為高必因地勢宜蠶可

以居民陳曰禹貢桑土既蠶是降丘宅土龜曰卜孔曰大卜國大遷貞龜允信

臧善也並釋詁文○昶按然猶乃也建國必卜之鄭曰自河以東夾於濟水文公

將徙登漕之虛以望楚丘觀其旁邑及其丘故建邦

山審其高下所依倚乃後建國焉慎之至也

能命龜田能施命孔曰於田獵能作器能銘使能造

命升高能賦韓詩外傳孔子遊於景山之上曰君子

謂之賦登高能賦登高必賦○漢藝文志傳曰不歌而誦賦可以為大夫師旅能誓山川能說鄭志云說其形勢述其古事

喪紀能誅祭祀能語孔曰能祝告鬼神而為言語君子能此九者

可謂有德音可以為大夫孔曰本有成文連引之耳

靈雨既零力珍反命彼倌倌音官人星言夙駕說始銳反于桑田

匪直也人秉心塞淵音牝來牝三千

零落也釋詁作霽倌人主駕者說文引詩云小臣也○胡曰即周禮之小臣為大僕

之佐○鄭曰靈善也星雨止星見夙早也欲往為辭說于桑田教民稼穡務農急也○姚鼐曰晴古作胜

胜亦作星若星辰字自作壘韓詩星精也精明晴之謂也世久以星字當壘辰字此詩偶存古字耳○胡

曰說文姓雨而夜除星見與鄭同史記天精而見景星精明與韓詩同雨止星見四字總言夜晴豫戒早駕非徒庸君范處義曰言非可以常人而論吾君也秉操也鄭曰塞充實淵深也

○昶按實心以勸農則民富深慮以防亂則國強畜馬嚴武備也塞淵二字結合上下馬七尺

以上曰駉周禮駉馬與牝馬也馬曰言駉以該龍與馬言牝以該牡○陳

曰此即序云國家殷富之意左傳衛文公元年革車三十乘季年乃三百乘齊語齊桓公城楚丘以封之其畜散而無育與之繫馬三百詩言駉牡三千乃十倍也

定之方中三章章七句朱曰賦也

蝥丁計蝥都動止奔也衛文公能以道化其民淫奔

之恥國人不齒也

蝥螭在東莫之敢指女子有行遠父母兄弟

蝮螭虹也

釋天作蝮螭郭注雙出色鮮盛者為雄曰虹闇者為雌曰蜺

夫婦過禮

則虹氣盛

陳曰後漢書楊賜曰今殿前之氣應為虹蜺皆妖邪所生不正之象詩人所謂蝮螭

者也於中孚經曰蜺之比無德以色親昔虹貫牛山管仲諫桓無近妃宮案此與毛義合君子見

戒而懼諱之故莫之敢指

鄭曰虹天氣之戒尚無敢指况淫奔之女誰敢視之

○昶按女子嫁則降其父母服期是遠父母也兄弟弗與同席而坐弗與同器而食是遠兄弟也序云止奔禮止於未然之前故舉禮之正者以為說

朝躋

子西反

于西崇朝其雨女子有行遠兄弟父母

滿補反

躋升

釋詁作躋

崇終也

馬曰崇即終之借字君奭釋文終一本作崇

從旦至食

時為終朝

鄭曰朝有升氣於西方終其朝則雨氣應自然○孔曰視履注云躋虹也由升氣所

為故號虹為躋日在東則虹見西方日在西方虹見東方○昶按虹為雨徵得雨則滅上章言淫慝之氣

人莫肯指此章言天亦收藏其虹不使終朝逸周書云虹不收藏婦不專一淮南子云虹霓者天之忌也

乃如之人也懷昏姻也大無信音伸也不知命古音彌也

乃如是淫奔之人也陳曰之人不待命也淫奔之女大

無貞潔之信又不知昏姻當待父母之命惡之也○

昶按郊特牲之言昏禮云幣必誠辭無不腆告之以

直信信事人也信婦德也壹與之齊終身不改是婦

德以信為尚孟子云不待父母之命媒妁之言則父

母國人皆賤之即本此詩為說○程子曰人雖不能

無欲然當有以制之無以制之而惟欲之從則人道

廢而入於禽獸矣

蝮蝮三章章四句

朱曰前二章比末章賦也○張

中之詩無恥如此文公復國一以身率下於是無

禮者見惡於相鼠淫奔者不恥於蝮蝮下之趨向

繫於一人

相息亮反鼠刺無禮也衛文公能正羣臣而刺在位承

先君之化無禮儀也陳曰左傳齊慶封來聘叔孫與慶封食不敬為賦相鼠然則此

為刺詩矣文公能正其羣臣序推本言之耳

相鼠有皮人而無儀人而無儀不死何為

相視也釋詁文○說文引此詩云相省視也無禮儀者雖居尊位猶為

闇昧之行鄭曰視鼠有皮雖處高顯之處偷食苟得不知其死無所害也○孔曰人有皮鼠亦有皮

鼠猶無儀故可恥也人無禮儀何異於鼠乎

相鼠有齒人而無止人而無止不死何俟

止所止息也陳曰禮記孔子曰若無禮則手足無所措耳目無所加進退揖讓無所制所謂

無止息也○和按禮記云口容止有齒而無止失其所以為口矣俟待也

相鼠有體人而無禮人而無禮胡不遄死

體支體也

和按儀者儀文故言皮禮者質榦故言支體

遄速也

釋詁文○禮記孔子

曰夫禮先王以承天之道以治人之情故失之者死得之者生詩曰人而無禮胡不遄死○韓詩外傳國政無禮則不行王事無禮則不成國無禮則不甯王無禮則死亡無日矣詩曰人而無禮胡不遄死又云昔者先王使民以禮譬之如御也刑者鞭策也今猶無銜轡而鞭策以御也欲馬之進則策其後欲馬之退則策其前御者以勞而馬亦多傷矣詩曰人而無禮胡不遄死為上無禮則不免乎患為下無禮則不免乎刑○胡曰左傳晉人討衛之叛故曰繇涉佗遂殺涉佗君子曰此之謂棄禮必不鈞詩曰胡不遄死涉佗亦遄矣哉晏子春秋亦兩引此詩為處高位之戒左氏載列國君臣不敬之事多以死決之即此意也

相鼠三章章四句

和按比也

干旄美好善也衛文公臣子多好善賢者樂告以善

道也

朱曰衛本以淫亂無禮不樂善道而亡其國今破滅之餘人心危懼正其有以懲創往事而興

起善端之時也故其為詩如此蓋所謂生於憂患死於安樂者小序之言疑亦有所本云

予予

居熱反

干旄在浚之郊素絲紕符至反之良馬四之彼

姝

亦朱反

者子何以畀必寐反之

予予干旄之貌

陳曰說文龍旄牛尾也旄龍同

注旄於干首

陳曰干與竿同

大夫之旃也

鄭曰周禮孤卿建旃大夫建物首皆注旃焉○孔曰衛侯無孤當是卿也大夫

者總名故春秋書諸侯之卿皆曰大夫是也司常云通帛為旃雜帛為物注凡旗之帛皆用絳則通帛大

赤也雜帛以白為飾絳之側也

浚衛邑古者臣有大功世其官邑

孔曰

左傳官有世功則有官族邑亦如之三章皆言在浚則所論是一人郊外曰野鄭曰時有建此

旄來至浚之郊紕所以組織也孔曰二章言組三章言織故於此總解○

陳曰紕讀如次比之比謂以素絲次比組織總紕於此成文於彼陳曰爾雅紕飾

也義相近願以素絲紕組之法御四馬也孔曰織組

成文於彼似御執轡於此馬騁於彼胡曰據駟馬

五轡傳則知御四馬乃總言御馬之法非以解良馬

四之也四之謂兩服馬之四轡也不言者以下章例

之自明耳○昶按傳言願以者願御者善駕速往渴

欲見賢也姝順貌孔曰云彼姝然忠順之子好畀予也釋

何以予之

子子干旗音餘在浚之都素絲組之良馬五之彼姝者子

鳥隼曰旗鄭曰周禮州里建旗謂州長之屬○陳曰

屬天子之州長中大夫建旃則諸侯下邑曰都陳曰之上大夫卿有旃宜也鳥隼畫於旒城郭之中謂之國中邑中其餘鄉遂之地公有公邑家有家邑縣都有縣邑都邑皆謂之下邑浚在衛都故傳云下總以素絲而成組也昶按執轡在手其左邑曰都也組驂馬五轡孔曰大夫以上駕四四馬則八轡矣五也驂馬五轡者御車之法驂馬內轡納於軾唯執其外轡耳驂馬馬執一轡服馬則二轡俱執之所謂六轡在手也此章加一驂馬故言五之王肅云古者一轡之車駕三馬則五轡其大夫皆一轡車夏后氏駕兩謂之麗殷益以一駢謂之驂周人又益一駢謂之駟○昶按說文駢駕二馬也驂馬三馬也駟一乘也蓋二馬三馬四馬皆可以駕故取以分章予予干旌在浚之城素絲祝之良馬六之彼姝者子何以告之

析羽爲旌

周禮文○胡曰說文旌析羽注旌首也凡九旗皆有旌有羽首章言其旌此言其羽

互文

城都城也

陳曰諸侯封邑大者皆謂之都城

祝織也

段曰此謂假借祝與

織雙

四馬六轡

陳曰兩服在中兩驂在旁中論云君

之才加乎衆人之上視彼猶賢自視猶不足也故人願告之而不倦詩曰彼姝者子何以告之此與傳訓姝爲順合左傳何以告之取其忠也杜注取其忠心願告人以善道也此與序賢者樂告以善道合

干旄三章章六句

朱曰賦也

載馳許穆夫人作也閔其宗國顛覆自傷不能救也

衛懿公爲狄人所滅國人分散露於漕邑許穆夫人

閔衛之亡傷許之小力不能救思歸唁音其兄又義

不得故賦是詩也

閔二年傳許穆夫人賦載馳

載馳載驅歸唁衛侯驅馬悠悠言至于漕大夫跋涉我

心則憂

載辭也

陳曰發語詞

弔失國曰唁

穀梁傳文○胡曰狄滅衛在閔公二年冬至僖

二年諸侯乃城楚丘則當僖元年春夏之間戴公已死文公雖立而尚無甯居夫人弔失國似指文公已

悠悠遠貌漕衛東邑

陳曰言語詞云衛東邑者時衛已在河東也歸唁衛侯皆是設

想之

草行曰跋水行曰涉

孔曰左傳跋涉山川跋本草行之名故傳曰反首茨

舍山必有草故山行亦曰跋○昶按設言已將馳驅至漕許大夫必來諫止故心憂之而不果行序所云

思歸唁又義不得也既不我嘉即承此爲說不善我歸唁故跋涉相告傳云不能旋反我思見上所云云

皆其思之所結非實有其事也

既不我嘉不能旋反視爾不臧我思不遠既不我嘉不

能旋濟視爾不臧我思不閱悲位反

不能旋反我思也

鄭曰既盡嘉善也言許人盡不善我欲歸唁兄○孔曰不能旋反我

心中之思使

不能遠衛也

鄭曰滅善也視汝不施善道救衛○胡曰善猶親仁

善鄰之善言視爾之不善而我思則不能遠而忘也戴公廬槽宋桓公與有力焉許不聞有一旅之助至

齊桓城楚上而封衛城楚上之諸侯即會于榿之諸侯也齊魯宋鄭曹邾而許不與焉則亦未必使大夫

唁於濟止

馬曰爾雅濟謂之霽是濟本止雨之稱因通以濟為止

閱閉也

胡曰言我

之思不可遏抑

陟彼阿丘言采其蟲

音盲

女子善懷亦各有行

音杭

許人尤

之衆穉

直吏反

且狂

偏高曰阿丘

釋上文

蟲貝母也

釋草云菑貝母○陳曰說文繫傳淮南注引詩

並作

升至偏高之丘采其蟲者將以療疾

朱曰主療鬱結之疾

善懷多行道尤過也韓詩尤是乃衆幼穉且狂進取

一概之義陳曰穉狂猶云狂童也左傳胡沈之君幼

心不能審得失之地則謂之狂是其義也○和按進

取一概猶言知其一不知其二也許人但知歸甯之

我行其野芄芄薄紅反其麥控苦貢反于大邦誰因誰極大

夫君子無我有尤音怡百爾所思不如我所之

願行衛之野麥芄芄然方盛長錢澄之曰麥紀時也

明年爲僖元年麥已芄芄且入夏控引陳曰韓詩控

矣衛豈不知控於大邦以求救乎極至也釋詁文○陳曰因讀因不失其

赴告義同極至也親之因至讀如申包胥以秦師

至之至控引大邦思其救至此夫人之志也左傳齊

侯使公子無虧戌曹繫在賦載馳之下意者詩有以

言上
感發不如我所思之篤厚也胡曰毛以所之即爲所
思者素問云在志爲思
釋名云詩之也
志之所之也

載馳四章二章章六句二章章八句

朱曰賦也舊
分五章蘇氏

合二章三章爲一章春秋傳叔孫豹賦載馳之四
章而取其控于大邦之意與蘇說合今從之○顧
炎武曰許無風而載馳錄於鄘黎無風而式
微旄丘錄於邶聖人闡幽之旨興滅之心也
鄘國十篇二十九章百七十六句

詩毛氏學四終

詩毛氏學五

國風五

衛

地理志河內郡朝歌紂所都周武王弟康叔所封更名衛○顧棟高曰今河南衛輝府淇縣東

北有朝歌城

淇奧美武公之德也有文章又能聽其規諫以禮自

防故能入相于周美而作是詩也

中論衛武公年過九十又作抑詩以

自傲也衛人誦其德為賦淇奧○何楷曰據徐幹中論則此篇為平王時詩

瞻彼淇奧綠竹猗猗

阿音

有匪君子如切如磋如琢如磨

瑟兮僩兮

遐板反

今赫兮咺兮

况晚反

今有匪君子終不可諼

况元反

反兮

興也奧隈也

釋上文○陳曰爾雅又曰屋內為奧外為隈渾言析言皆得互稱淇隈淇水深

曲處也左傳禮記引詩作

綠王芻也

釋草作萊郭注

亦作

竹蕭竹也

陳曰爾雅竹蕭蓄韓詩蕭蕭也石經同說文蕭水蕭莧也竹者蕭之借

字水經注今通望淇川唯王芻編草不異毛興按編草即蕭蓄

猗猗美盛貌武公質

美德盛有康叔之餘烈

陳曰淇奧者康叔所封之地武公能承康叔之烈故因於

衛地而起興焉

匪文章貌

爾雅禮記並引作斐

治骨曰切象曰磋玉曰

琢石曰磨

本爾雅

道其學而成也

孔曰大學云道學也○聽

其規諫以自脩如石玉之見琢磨也

大學云自修也○荀子云人之

於文學如玉之於琢磨也詩曰如切如磋如琢如磨

謂學問也○孔曰釋訓云如切如磋道學也郭注骨

象須切磋而為器人須學問以成德又云如琢如磨自脩也郭注玉石之被琢磨猶人自脩飾也○昶按

切磋琢磨渾言則一瑟矜莊貌馬曰說文引逸論語析言則有粗精之別

猛也是瑟憊寬大也大學云恂栗也○殺曰荀子陋有嚴栗義

反對○和按瑟今憊今猶書赫有明德赫赫然咍威云寬而栗合二者為一德

儀容止宣著也大學云威儀也○陳曰韓詩作宣云顯也禮記作喧爾雅釋文作煊並與

宣同說文又援忘也釋訓文○大學云道盛德至善引詩作愜

外傳若夫君臣之義父子之親男女之別則切磋而不舍詩曰如切如磋如琢如磨○說苑學者所以反

情治性盡才者也親賢學問所以長德也論交合友所以相致也亦引此詩

瞻彼淇奧綠竹青青有匪君子充耳琇瑩音秀瑩音榮會反古外

弁如星瑟兮憊兮赫兮咍兮有匪君子終不可援兮

青青茂盛貌釋文或作菁菁充耳謂之瑱荀子充耳而設瑱琇瑩美

石也

陳曰說文引作璚云石之次玉者瑩即琇之光明說文瑩玉色

天子玉璚諸侯

以石

孔曰玉人職云天子用全鄭注公侯四玉一弁石伯子男三玉二石此云以石謂玉石雜也

皮弁

鄭曰天子之朝服皮弁以日視朝○孔曰在朝君臣同服諸侯亦皮弁以視朝以序云入相于

周故為在朝之服

會所以會髮

說文引作髻云骨擗之可會髮者○陳曰會弁言會髮而

加弁會讀為髻即象掃也如星者其象掃玉笄首飾光輝星星然也

瞻彼淇奧綠竹如簣

音責

有匪君子如金如錫如圭如璧

寬兮綽兮

昌若反

猗猗

於綺反

重

直躬反

較

古岳反

兮善戲謔

香略反

兮不為虐兮

簣積也

韓詩云簣綠竹盛如積也○陳曰如猶而也積謂鬱茂

金錫鍊而精圭

璧性有質

鄭曰圭璧亦琢磨四者亦道其學而成也○孔曰金錫言其質故釋之言此已鍊而

精圭璧舉已成之器故本寬能容衆綽緩也陳曰謂之言性有質亦互文也

有不重較卿士之車孔曰入相為卿士倚此重較之車○臧琳曰釋文倚依也陸孔

皆以倚為倚之借字○馬曰考工記鄭注較兩轡上出式者說文轡車旁也詩釋文較車兩旁上出式者

蓋車轡上之木為較較上更飾以曲鉤也崔豹古今注是為重較說文作較云車轡上曲鉤也

重較重耳也重起如牛角○寬緩弘大雖則戲謔不和按言武公稱此車服也

為虐矣鄭曰君子之德有張有弛故不常矜莊而時戲謔○劉瑾曰前章瑟憫赫咍張之時也此

章寬綽戲謔弛之時也○馬曰虐之言劇謂甚也○孔叢子云於淇奧見學之可以為君子也

淇奧三章章九句

考槃簿寒反刺莊公也不能繼先公之業使賢者退而

窮處孔曰刺其不能繼先君武公之業脩德任賢○陳見復曰序刺君上之失賢詩美隱居之得所

美在此則刺在彼矣

考槃在澗音飢碩人之寬獨寐寤言永矢弗諼

考成釋詁文槃樂也釋詁作般又作盤山夾水曰澗韓詩作澗

曰秩秩斯干傳干澗也二字通借○王肅曰窮處山谷之間而能成其樂者以大人寬博之德故雖在山

澗獨寐而覺獨言先王之道長自誓不敢忘也美君子執德弘信道篤也○昶按孟子云中天天下而立定

四海之民君子樂之所性不存焉今碩人所以成其樂者則在澗在阿在陸而已故為刺寬適軸是性也

考槃在阿碩人之適苦禾反獨寐寤歌永矢弗過

曲陵曰阿說文曲阜也適寬大貌韓詩作過云美貌○朱

若將終身之意也

考槃在陸碩人之軸獨寐寤宿永矢弗告

軸進也

孔曰傳軸為迪釋詁迪進也○昶按君子雖退而窮處其於道義則進也惟其有寬大之

德時習不已故能成其樂無所告語也

陳漢章曰說苑易曰困亨貞大人吉有言不信孔子

曰困之為道惟賢者獨知而難言之也此傳本之故云無所告語○孔叢子曰於考槃見遁世之士而不

悶也○嚴曰極言賢者山林之樂以見其時之不可為而賢者無復有意於仕也

考槃三章章四句

朱曰賦也

碩人閔莊姜也莊公惑於嬖妾

孔曰謂州吁之母

使驕上僭

莊姜賢而不答終以無子國人閔而憂之

隱三年傳衛莊公娶

于齊東宮得臣之妹曰莊姜美而無子衛人所為賦碩人也○范處義曰詩不及惑嬖妾事序推本言之

以明不見答之由

碩人其頤

其機反

衣錦褻

苦迺反

衣齊侯之子衛侯之妻東

宮之妹邢

音刑

侯之姨譚

徒南反

公維私

頤長貌

玉篇引詩碩人頤傳頤頤具長貌

錦文衣也

陳曰四字連讀巷伯傳貝錦錦

也文夫人德盛而尊嫁則錦衣加褻襜

孔曰錦衣所以加褻者中庸云

衣錦尚絅惡其文之太著是也

○江永曰褻衣為行道禦風塵猶士昏禮姆加景也褻炯景一字同音○

陳曰說文褻綵也詩曰衣錦褻衣示反古又引詩作綵衣云綵泉屬則褻綵同也褻布兼下裳之名傳云

褻褻者猶衣裳也說文直裾褻謂之褻褠是也

東宮齊大子也

孔曰大子居東宮

女

子後生曰妹

釋親文

妻之姊妹曰姨

本爾雅○陳曰地理志趙國襄國故

邢國說文邢周公子所封地近河內懷按襄國今邢臺縣為邢始封國懷今武陟縣即春秋之夷儀邢徙

封國也

姊妹之夫曰私

本爾雅○鄭曰陳此者言莊姜容貌既美兄弟皆正大○孔曰

邢侯譚公皆姊妹之夫互言之春秋譚子爵言公者依臣子之稱便文耳○陳曰說文作鄭爾雅注引作

覃今歷城縣東南有故譚城

手如柔荑

徒奚反

膚如凝脂領如蝤

似脩反

蠐

齊音

齒如瓠

戶故

反犀

音秦

首蛾

我波反

眉巧笑倩

七薦反

今美目盼

敷覓反

兮

如蕙之新生

陳曰靜女傳蕙茅之始生

如脂之凝

陳曰說文凝俗冰字爾雅冰脂

也孫炎本作凝鄭注內則云脂肥凝者釋者曰膏按不釋之脂其色滑白莊子云肌膚若冰雪冰雪以言

潔白冰脂領頸也蝤蠐蠋蟲也

釋蟲文郭注在木中○孔曰蠐蠐白而長

故以瓠犀瓠瓣

陳曰說文瓣瓜中實也

螭首額廣而方

馬曰說文親好

貌詩所謂親首是螭乃親之倩好口輔注倩笑也盼

白黑分

鄭曰此章說莊姜容貌之借方言蛾好也

碩人敖敖

五刀說反

始銳

于農郊四牡有驕朱幘

反乎云鑣

鑣表驕反

翟茀以朝大夫夙退無使君勞

敖敖長貌

又引申為長貌敖即贅之省假

農郊近郊

釋文說舍也

○陳曰高注呂覽東郊農郊也齊在衛東故夫人入竟舍於東郊公羊傳禮夫人至大夫皆

迎驕壯貌陳曰驕猶

幘飾也

陳曰幘者所以為人君馬飾故謂幘為飾

以朱纏鑣扇汗且以為飾

馬曰說文幘馬纏鑣扇汗也繫傳云謂以帛纏馬口

旁鐵扇汗使不汗也是

鑣鑣盛貌

孔曰清人傳庶

翟車也夫人以翟羽飾車

翟翟車此對文則異也若

散文則凡以翟羽飾車者通可謂之翟車矣

茀蔽也

釋器與革前謂之鞞後謂之茀竹前謂之

禦後謂之蔽○馬曰茀與蔽亦大夫未退君聽朝於對異散通周禮注引詩作翟蔽

大夫未退君聽朝於

路寢夫人聽內事於正寢大夫退然後罷鄭曰此又言莊姜自

近郊既正衣服乘是車馬以入君之朝皆用適夫人之正禮今而不答○昶按前五句明夫人之來為正適末二句乃微露不見答意一若君勞於政而不暇也者託言欲使大夫早退所謂婉而多諷也

河水洋洋北流活活施罟音孤濊濊呼活反鱣陟連反鮪于賄反

發發補未反葭莢他覽反揭揭其謁反庶姜孽孽魚竭反庶士有

揭欺列反

洋洋盛大也釋詁洋多也活活流也胡曰河流於齊衛之間漸趨而北○陳曰

說文潛流聲隸變作活罟魚罟本爾雅濊濊施之水中也陳曰說文引此

詩云礙流也施罟於水鱣陳曰爾雅鱣鮪舍人注鯉一名鱣按此渾

言也析言之三十六有鮪也同鮪陳曰爾雅鮪叔鮪說文鱣為鯉大者則為鱣

小者為發發盛貌韓詩作發發說文作發葭蘆莢亂也

並釋草文○陳曰葭一名蘆葭之初生者郭注莢似葦而小實中邢疏亂或謂之莢至秋堅成則謂之莢

說文莢莢之初生一日亂或揭揭長也說文揭作莢是莢亂皆莢初生之名揭揭長也高舉也擎擎

盛飾鄭曰庶姜謂姪婦○陳曰爾庶士齊大夫送女

者孔子曰左傳凡公女嫁於敵國公竭武壯貌韓詩作

也○鄭曰此章言齊地廣饒士女佼好禮儀之備而

君何為不答夫人○昶按因今之不答而追述其始

嫁之盛所以致深痛也

碩人四章章七句朱曰賦也○陳曰列女傳莊姜

此詩與左傳不合傳母見其婦道不正論之乃作

氓莫耕刺時也宣公之時禮義消亡淫風大行男女

無別遂相奔誘華落色衰復相棄背或乃困而自悔

喪其妃耦故序其事以風焉美反正刺淫佚也陳啓源曰

里巷猥事足為勸戒者文人墨士往往歌述為詩如陌上桑木蘭詩之類皆非其人自作

氓之蚩蚩尺之反抱布貿處豆反絲匪來貿絲來即我謀音古

媒音送子涉淇至于頓音匪我愆起虔反期子無良媒將

子無怒秋以為期

氓民也說文同蚩蚩敦厚之貌昶按貌若敦厚故為所欺布幣也鄭

幣者所以貿買物也即就也此民非來買絲但來就我謀為室家○王夫之曰周禮外府掌邦布之出入

鄭注布丘一成為頓釋丘作敦丘郭音頓云成猶重也○陳曰水經注淇水又

東屈而西轉徑頓丘北故闕駟云頓丘在淇水南又屈徑頓丘西詩所謂送子涉淇至于頓丘者也

過釋言將願也

胡曰廣雅願與將皆訓欲願願同音通借董仲舒云霜降迎女冰泮殺止

舉此詩云秋以為期媒氏疏引王肅聖證論亦舉此詩蓋此婦雖被誘然其言曰良媒曰卜筮則必猶託

於昏姻之正禮以行者毛義

乘彼塉俱毀

反

垣音袁

以望復關不見復關泣涕漣漣音既

見復關載笑載言爾卜爾筮市制

反

體無咎言以爾車來

以我賄呼罪

反遷

塉毀也

釋詁文曰毀猶缺也

復關君子所近也

孔曰因其近復關以託號

此言其有一心乎君子故能自悔

鄭曰則笑則言喜之甚○和按未來

而泣涕必有怨望之意悔者既見之後悔其怨望破涕為笑也言其來由己積誠所感

龜曰卜

著曰筮體北卦之體

孔曰謂龜北卦筮○陳曰左傳懿氏卜妻敬仲晉獻公筮嫁伯

姬于秦是嫁娶賄財釋言遷徙也釋詁文○歐陽曰皆有卜筮之事賄財文遷徙也追敘與男相得之

初我乃決以卜筮於是

從子往爾者爾其男子也

桑之未落其葉沃若于嗟鳩兮無食桑椹音于嗟女兮

無與士耽都南反士之耽兮猶可說也女之耽兮不可說

也

桑女功之所起沃若猶沃沃然陳曰因桑生興與葛覃篇以葛生興同

鳩鵲鳩也陳曰鵲鳩為五鳩之一亦曰鳴鳩食桑甚過則醉而傷其

性陳曰泮水傳黹同耽樂也釋詁作耽說文作嫔女與士耽則傷

禮義歐陽曰據序但言序其事以風則是詩人序述女語爾○劉瑾曰專主於言婦人不可一失其

節故以辭意抑揚重於女而輕於男非謂男有可耽之理而無所妨

桑之落矣其黃而隕平聲自我徂爾三歲食貧淇水湯湯

音傷漸車帷裳女也不爽士貳其行音杭士也罔極二三其

德

隕隋也

陳曰爾雅隕隊落也隋亦落也○馬曰湯湯食貧猶居貧婦人先貧賤後富貴不去

水盛貌帷裳婦人之車也

陸曰漸漬也溼也○孔曰以帷障車之傍如裳以為

容飾故謂之帷裳或謂之童容○昶按婦之曾共患難亦猶車之曾歷險也

爽差釋言極

中也

孔曰士行無中正故二二三其德○成八年傳士之二三猶喪妃耦而況霸主

三歲為婦靡室勞矣夙興夜寐靡有朝矣言既遂矣至

于暴矣兄弟不知咥

許意反

其笑矣靜言思之躬自悼矣

鄭曰常早起夜臥非一朝然三歲之後見遇浸薄乃至見酷暴○朱曰言我三歲為婦盡心竭力不以室

家之務為勞○馬曰遂成也言既遂矣猶云與子成說○和按言即信誓也謂己勤家不背初約啞

然笑

說文大笑也○和按此言兄

悼傷也

及爾偕老老使我怨淇則有岸隰則有泮音總角之宴

言笑晏晏信誓旦旦不思其反反是不思亦已焉哉

鄭曰我欲與女俱至於老泮陂也鄭曰泮讀為畔畔

老乎女反簿我使我怨也○孔曰澤陂傳云陂澤障箋以申傳義不異也總角

結髮也陳曰內則婦事舅姑總鄭注總束髮也晏晏

和柔也釋訓信誓旦旦然鄭曰言其懇惻誠款也反

復其前言已焉哉謂此不可奈何死生自決之辭○孔曰定本云云曰猶怛怛釋訓晏晏旦旦悔爽忒也

言此婦人恨夫差貳其心解言此之意非訓此字也

○朱曰此婦再為之約以堅其志而卒不免於棄蓋

一失其身所賤惡無往而不困耳士君子立身一敗萬事瓦裂何以異此○和按結婚而不由父母之命讀此詩可鑒矣

氓六章章十句

朱曰一二五六賦也三四比也

竹竿衛女思歸也適異國而不見答思而能以禮者也

籊籊

他歷反

竹竿以釣于淇豈不爾思遠莫致之

興也籊籊長而殺也

陳曰殺者纖小之稱

釣以得魚如婦人待

禮以成爲室家

和按以思釣淇水之魚而遠莫能致興思成室家之好而不見答

謂不待以禮也釣非婦人事故知是興也

泉源在左淇水在右

古音以

女子有行遠兄弟父母

泉源小水之源淇水大水也鄭曰小水有流入大水之道猶婦人有嫁於君

子之禮行道也女子有道當嫁耳不以不答而違婦禮○陳曰水以北為左南為右泉源在朝歌北故曰在左淇水則屈轉於朝歌之南故曰在右○昶按水經注泉源水有二源東南注淇水為肥泉即詩所謂泉源之水也泉源非淇水之源異水同流與夫婦同室

淇水在右泉源在左巧笑之瑳反可佩玉之儺乃可反

瑳巧笑貌胡曰瑳疑儺之假借說文齒參差也詩但為笑而見齒之貌儺行有節

度說文引詩云行有節也○昶按此言己由衛而適夫家言動皆循禮不敢失婦道自反不見答之故

淇水漣漣音檜反古活楫音集松舟駕言出遊以寫我憂

漣漣流貌釋文作漣檜柏葉松身釋木楫所以櫂舟也方

楫謂之櫂或謂之櫂舟楫相配得水而行男女相配得禮而備

昶按此以舟水之相得反興出遊思鄉衛之道陳曰夫婦之不相能是以憂也俱以淇水設喻正是思鄉衛之道○胡曰始露不答思歸之意

竹竿四章章四句

芄音丸蘭刺惠公也驕而無禮大夫刺之

孔曰閔二年傳惠公之即

位也少杜預注蓋年十五六○黃佐曰序意謂如魯昭公猶有童心之類故刺之耳

芄蘭之支童子佩觿

許規反

雖則佩觿能不我知容兮遂

兮垂帶悸兮

興也芄蘭草也

釋草韮芄蘭郭注蔓生○說文引詩支作枝○鄭曰芄蘭柔弱恆蔓延於

地有所依緣則起興者喻幼穉之君任用大臣乃能成政君子以德當柔潤溫良

○昶按柔潤溫良對驕而無禮觿所以解結成人之

者言總釋全詩之旨兼明興義

佩也

孔曰內則子事父母左佩小觶右佩大觶下別云男女未冠笄者故知成人之佩注云觶貌如

錐以象骨爲之人君治成人之事雖童子猶佩觶早

成其德

孔曰尚書注人君十二而冠佩爲成不自謂陳曰說苑能治煩決亂者佩觶

無知以驕慢人也

胡曰能讀爲而雖服成人之佩而不自謂我知所以爲柔潤溫良

和按我知猶予智言古人君能不我知以見惠公之自以爲知也經反言之傳正釋之不自謂無知是其

驕慢

容儀可觀佩玉遂遂然

嚴曰祭義陶陶遂遂皆舒緩之狀○陳漢章曰

此傳本左氏哀十三年傳佩玉案今案本字遂假借字

垂其紳帶悸悸然有節

度

陳曰古者革帶服於要所以繫佩大帶用組系結於紐所以束衣垂者大帶也紳亦帶也連文同義

悸韓詩作萃云垂貌悸萃聲相近○和按末二句形容柔潤溫良之度所謂禮也通篇皆言君子之德故

毛於能不我知句正斥惠公以明其爲刺可謂善會經旨矣○說苑君子衣服中而容貌得接其服而象

其德故望玉貌而行能有所定矣詩曰芄蘭之支童子佩觿說行能者也

芄蘭之葉童子佩觿失涉反雖則佩觿能不我甲容兮遂

兮垂帶悸兮

鞮玦也

釋文作決○說文引詩云鞮射決也所以鉤弦以象骨韋系著右巨指

能射御

則佩鞮

說苑能射御者佩鞮

甲狎也

釋言文○胡曰觿是解結之物故言知鞮是射御之

事故言狎習此皆正言之以反刺惠公之驕慢所謂陳美以刺惡也

芄蘭二章章六句

河廣宋襄公母歸于衛思而不止故作是詩也

鄭曰宋桓

公夫人衛文公之妹生襄公而出○嚴曰衛都在河北宋都在河南自衛適宋必涉河自魯閔二年狄入衛戴公始渡河而南此詩作於未遷之前時桓公猶在襄公方爲世子○顧棟高曰宋都今歸德府商邱

治陳曰宋桓夫人以終不反宋故不繫諸桓而繫諸襄時衛有狄難夫人見其宗國顛覆憂思不已故篇中皆序其望渡河救衛辭甚急也未幾宋桓逆諸河立戴公以處曹則此詩自在逆河之前河廣作而宋立戴公載馳賦而齊立文公載馳許詩河廣宋詩而列於鄘衛之風以二夫人於宗國皆有存亡繼絕之思故錄之非僅謂思子而作

誰謂河廣一葦

反韋鬼

杭之誰謂宋遠跂予望

平之

杭渡也

馬曰正義云一葦者一束也蓋謂編葦爲汭三國志宜伐蘆葦以爲汭佐船渡軍是也○

陳曰說文杭舉也或作杭廣雅杭渡也跂楚辭注引作企古通用

誰謂河廣曾不容刀誰謂宋遠曾不崇朝

鄭曰不容刀亦喻狹小船曰刀崇終也行不終朝亦喻近○孔曰上言一葦桴棹之小此刀宜舟船之小說文作𦨇𦨇小船也○陳曰今說文無𦨇○鹽鐵論孔子曰吾於河廣知德之至也○和按鹽鐵論云求

之不得寤寐思服有求如關雖好德如河廣何不濟
不得之有正用詩意夫人望德於宋思之至切故卒
能濟
難也

河廣二章章四句

朱曰賦也

伯兮刺時也言君子行役為王前驅過時而不反焉

鄭曰衛宣公之時蔡人衛人陳人從王伐鄭伯也從王前驅久故家人思之○孔曰過時謂三月一時穀梁傳役不逾時

伯兮

反

揭兮邦之桀兮伯也執殳

反

為王前驅

反

伯州伯也

胡曰正義以內則州伯釋之鄭彼注云州長中大夫一入曲禮列國之大夫衍入天子之國曰某士此前驅者自揭武貌韓詩是諸侯大夫於王朝則為士

揭武貌韓詩作偁桀特立也

陳曰桀陳曰考工記盧人及長得倖假借有及長丈二而無刃有四尺是及長丈二也周

禮司戈盾祭祀授旅賁及說文及下亦云旅賁以先驅○柯劭忒曰春秋桓公五年蔡人衛人陳人從王

伐鄭穀梁傳云舉從者之辭也其舉從者之辭為天

王諱伐鄭也序刺時正與春秋義合三國之君不能

弼王以正而從伐兄弟之國勦民而納侮曰為王前

驅即所謂舉從者之辭也周失天下自桓王始桓失

天下自

伐鄭始

自伯之東首如飛蓬豈無膏沐誰適都歷為容

孔曰鄭在衛之西南而言東者時蔡衛陳三國從王

伐鄭則兵至京師乃東行伐鄭也○毛詩明辨錄云

伯蓋以衛人仕於王朝常供護衛

其妻從仕于周故云自伯之東婦人夫不在無容

飾適主也陳曰飛蓬猶蒙戎以言亂也適讀

其雨其雨杲杲為嫡仇也匹也並與主義相近

反古老出日願言思伯甘心首疾

杲杲然日復出矣

和按望伯之來猶旱之望雨

甘厭也

鄭曰思伯心不能已

如人嗜欲不能絕也○陳曰厭飽也憂思滿足之意趙注孟子疾首頭痛也

焉得諼反

況袁

草言樹之背

佩音

願言思伯使我心瘳

音悔

諼草令人忘憂

韓詩作諼說文引作蕙云令人忘憂之艸或作蕝作萱爾雅釋文引作蕝

○鄭曰憂以生疾恐將危身欲忘之○和按前曰甘心首疾此又欲忘憂自為慰藉反復言之云焉得者

明其無有仍不能不憂而心瘳也

背北堂也

馬曰背北通用漢書韋昭注北古背字也○陳

曰士昏禮鄭注北堂房中半以北是以房之近北者為北堂房之北有北階階下可以樹草

瘳病

也釋詁文○朱曰范氏云居而相離則思期而不至則憂文王之遺庶役周公之勞歸士皆敘其男女

之思以閔之故其民悅而忘死是以治世之詩則言其君上閔惜之情亂世之詩則錄其室家怨思之苦

以為人情不出乎此也

伯兮四章章四句

朱曰賦也第三章比也

有狐刺時也衛之男女失時喪其妃

音耦

焉古者國

有凶荒則殺禮而多昏會男女之無夫家者所以育

人民也

孔曰刺今不然失時謂失男女年盛之時久而無匹是喪其配耦非先為妃而相棄也○

胡曰喪失也謂失其妃耦之道

有狐綏綏

音雖

在彼淇梁心之憂矣之子無裳

興也綏綏匹行貌

孔曰興今衛之男女喪其妃耦乃狐之不如

石絕水曰

梁

昶按卽爾雅隄謂之梁也築石隄截水而架木其上故曰梁絕者截也

之子無室家

者

馬曰左傳男有室女有家傳言之子無室家者實合下章兼男女言之

在下曰裳所

以配衣也

馬曰無裳以喻男之無妻○韓詩外傳不出戶而知天下以己之情量之也己惡飢

寒焉則知天下之欲衣食也已惡勞苦焉則知天下之欲安佚也故先王之法天子親耕后妃親蠶先天下憂衣與食也詩曰父母何嘗心之憂矣之子無裳○昶按此必衛以凶荒之故衣食不足遂致嫁娶失時心之憂矣斥之子也詩人見失時之男女無裳無帶以己之情量之而知其心之憂也詠其事以刺在位者無憂民之心毛韓之說皆與序合

有狐綏綏在彼淇厲心之憂矣之子無帶

厲深可厚之旁

陳曰厲本涉水之名因之水旁可涉亦謂之厲廣雅厲方也方與旁通

帶所以申束衣

馬曰詩親結其襦爾雅襦帶也婦人繫屬於人無帶示無所繫屬喻女之

無夫者

有狐綏綏在彼淇側心之憂矣之子無服

蒲北反

言無室家若人無衣服

馬曰此統男女言之

有狐三章章四句

木瓜美齊桓公也衛國有狄人之敗出處於漕齊桓公救而封之遺之車馬器服焉衛人思之欲厚報之

而作是詩也

朱曰詩錄木瓜春秋序績之意亦以善衛人之情也

投我以木瓜

古音孤

報之以瓊

求營反

琚匪報也永以為

好聲也

木瓜楸木也

本爾雅

可食之木

郭璞曰實如小瓜酢可食

瓊玉之美

者

段曰瓊為玉之美者因而引申凡玉石之美皆謂瓊

琚佩玉名

胡曰雜佩謂之佩玉亦謂

之玉

佩故鄭風言佩玉瓊琚秦風言瓊琚玉佩一也傳云佩玉名者雜佩非一其中有名琚者耳○蘇轍

曰衛人設為瓜瓊不等之喻言人遺我微物猶厚報之況齊桓贈遺如此其厚則報之當何如○陳曰新

書云苞苴時有筐篚時至則羣臣附下引此詩曰上少投之則下以樞賞矣弗敢謂報願長以為好古之蓄其下者其施報如此左傳衛侯享韓宣子宣子賦木瓜杜注義取於欲厚報以為好並與毛義合

投我以木桃報之以瓊瑤匪報博九反也永以為好許九反

也

瓊瑤美石

段曰正義作石不誤釋文作玉誤也說文琬琰瑤皆石之美者

投我以木李報之以瓊玖古音匪報也永以為好也

瓊玖玉名

段曰王風傳玖石次玉者說文玖石之次玉黑色者傳作玉名乃玉石之誤玉石見

蜀都賦及漢書西域傳

孔子曰吾於木瓜見苞苴之禮行鄭曰以果

實相遺者必苞苴之尚書厥苞橘柚陳曰齊桓盛而王業初衰齊桓沒而王迹終熄故孔子刪詩繫木瓜於變風之末而下繼以王國之變風

木瓜三章章四句

朱曰此也

衛國十篇三十四章二百三句

詩毛氏學五終